

# ਬਿਦ ਬੁਲਾ ਬੌਂਗਾ ਬੁਲਾ



ਕਮਲ ਲੋਚਨ ਕੋਡਾਹ “ਹੋ”

BVP - 2059

315718

(2/9)

# ਬਿਟ ਬੁਲਾ ਬੌਂਗਾ ਬੁਲਾ

ਕਮਲ ਲੋਚਨ ਕੋਡਾਹ “ਹੋ”

ਯਾਰਖਣਡ ਯਾਰੋਖਾ, ਰਾਁਚੀ

# बिट बुर्ज बोंगा बुर्ज

**ISBN : 978-93-81720-68-4**

प्रथम संस्करण : 1991  
द्वितीय संस्करण : 2014

सर्वाधिकार © : लेखक

प्रकाशक : झारखण्ड झरोखा  
दुकान न.- डी. जी. 03, न्यू बिल्डिंग, न्यू मार्केट,  
रातू रोड, राँची, (झारखण्ड), पिन न. 834001  
मो. 09973112040, 09471160792  
E-mail : [jharkhandjharkha@yahoo.com](mailto:jharkhandjharkha@yahoo.com)

अजिल्द : 100.00

सजिल्द : 200.00

---

**BIR BURU BONGA BURU**

by - Kamal Lochan Koraha “Ho”

प्रथम संस्करण हेतु

## भूमिका

श्री कमल लोचन कोड़ाह द्वारा रचित पुस्तक- “बिर बुरु बोंगा बुरु” में हो आदिवासियों के प्राकृतिक, सामाजिक, सांस्कृतिक, आध्यात्मिक तथा धार्मिक जीवन की झलक का सांगोपांग विवेचन है।

“सिंड्बोंगा में सिंड्बोंगा से - सारा सृष्टि का हित-लाभ कामना करना कवि हृदय की निर्मल, विशाल तथा विद्वतापूर्ण सृजनात्मक क्षमता का प्रमाण है।

श्री कोड़ाह ने ‘हो’ भाषा में साहित्य की रचना कर समाज के वास्तविक सुन्दर रूप का परिचय देने का प्रशंसनीय प्रयास किया है। राष्ट्र की दृष्टि में इसका बड़ा ही महत्व है। वे इसके लिए धन्यवाद के अधिकारी हैं।

मेरा ख्याल है, यह उनकी कविता हो-समाज तथा हो-भाषा के विद्यार्थियों के लिए बड़ा उपयोगी सिद्ध होगा।

मंगल सिंह लामाये  
राज्य मंत्री  
स्वास्थ्य, चिकित्सा शिक्षा एवं  
परिवार कल्याण तथा लोक  
स्वास्थ्य अभियन्त्रण विभाग,  
बिहार सरकार

प्रथम संस्करण हेतु

## भूमिका

श्री कमल लोचन कोड़ाह द्वारा रचित पुस्तक- “बिर बुरु बोंगा बुरु” में हो आदिवासियों के प्राकृतिक, सामाजिक, सांस्कृतिक, आध्यात्मिक तथा धार्मिक जीवन की झलक का सांगोपांग विवेचन है।

“सिंड्बोंगा में सिंड्बोंगा से - सारा सृष्टि का हित-लाभ कामना करना कवि हृदय की निर्मल, विशाल तथा विद्वतापूर्ण सृजनात्मक क्षमता का प्रमाण है।

श्री कोड़ाह ने ‘हो’ भाषा में साहित्य की रचना कर समाज के वास्तविक सुन्दर रूप का परिचय देने का प्रशंसनीय प्रयास किया है। राष्ट्र की दृष्टि में इसका बड़ा ही महत्व है। वे इसके लिए धन्यवाद के अधिकारी हैं।

मेरा ख्याल है, यह उनकी कविता हो-समाज तथा हो-भाषा के विद्यार्थियों के लिए बड़ा उपयोगी सिद्ध होगा।

मंगल सिंह लामाये  
राज्य मंत्री  
स्वास्थ्य, चिकित्सा शिक्षा एवं  
परिवार कल्याण तथा लोक  
स्वास्थ्य अभियन्त्रण विभाग,  
बिहार सरकार

## दो छाप्त

प्रस्तुत पुस्तक- ‘बिर बुरु बोंगा बुरु’- “हो” लोगों के साम्प्रदायिक तत्व की ओर सांस्कृतिक रचना है।

यहाँ “हो” लोगों की धार्मिक एवं सांस्कृतिक जीवन की झलक को संक्षेप में सामान्य जानकारी के लिए रेखांकित कर रहा हूँ।

“हो” लोगों के पुरखे आदिकाल से प्रकृति के पूजक रहे हैं। शुरू से ही ये मूर्ति-पूजक नहीं हैं और न तो कोई अवतार को मानने वाले हैं। इन लोगों का अन्य सांप्रदायिक लोगों की तरह मन्दिर, मसजिद और गिरजा नहीं होता है। “देसाउलि” एवं “जएरा” इन लोगों का पवित्र पूजा स्थल है। इस पवित्र पूजा स्थल पर सिर्फ दियुरि पहान ही विभिन्न त्योहारों तथा विशेष अवसरों पर पूजा-याचना करता है।

ये लोग ‘हो-धर्म’ सरना मताबलम्बी हैं। मगे, बा, बताउलि, हेरमुट, हेरोः तथा जोमनमा आदि पर्व त्योहारों में मुख्य देवता- देसाउलि ‘जएरा एरा’ को भक्ति पूर्वक मानते हैं। उसे भेंट और बलि चढ़ाया जाता है। इसी अवसर पर दियुरि द्वारा ‘देसाउलि’ एवं ‘जएरा’ स्थल (सरना स्थल) में उससे ग्रामीण प्रजाओं का, हो दिसुम हो प्रजाओं की रक्षा, गणना स्वास्थ्य और अच्छी वृष्टि एवं अच्छी फसल के लिए याचना करते हैं। इन देवी-देवताओं के अतिरिक्त मा बुरु बुरु बोंगा नगे एरा बिन्दी एरा, पंगुर बोंगा आदि देवी-देवताओं की उपासना करते हैं।

“मरं बोंगा” गोत्र बोंगा है। हो जाति के विभिन्न गोत्रों में “मरं बोंगा” को विभिन्न नामों एवं ढंग से पूजा जाता है। माना जाता है। उसे भेंड़ तथा मुर्गा की भेंट एवं बलि चढ़ाया जाता है। इसकी पूजा किसी पेड़ के नीचे की जाती है।

“गोंवा बोंगा” गाय, बैल, भैंस, बकरा, बकरी भेंड़, आदि का पालन करता एवं रक्षक बोंगा है। सोहराए पर्व के अवसर पर गोवल घर में पूजा जाता है। इसे मुर्गा काक भेंट एवं बलि चढ़ाया जाता है।

“हो” लोगों के अन्तःकरण में इन देवी-देवताओं से पारे एक सर्वशक्तिमान सृष्टिकर्ता (उपना जपन केन) है, जो सब का जन्म दाता (जोनोमकेन जाते केन पुंजिकेन पोआकेन) तथा पालनकर्ता है। ‘हो’ लोग उसे- सिडबोड्गा’- के नाम से संबोधित करते हैं। लोग उसे रक्षक, भला तथा सबका हितैषी पालनहार, अननदाता आदि मानते हुए संकट की घड़ी में खूब याद करते हैंतथा हर पर्व त्योहारों में याद किये जाते हैं।

यहाँ इस पुस्तक की लेखन प्रक्रिया के विषय में प्रकाश डालना भी प्रासंगिक

होगा। वस्तुतः सिंडबोड़ना देसाउलि जएरा-एरा नरे एरा, बिन्दी एरा, मरं बोंगा मा बुरू बुरू बोंगा बिडदा एरा आदि देवी-देवताओं की खपरेखा उपासना तथा रक्षा, पालन, अच्छी वृष्टि एवं सुखी जीवन की विनम्र याचना तथा सांस्कृतिक तत्व की सूक्ष्मतम् रखना है।

अनेक आदिम जातियों की सृष्टिकलाओं के भीतर एक सूत्र है- भाई-बहन के प्रणय द्वारा सृष्टि की उत्पत्ति? के रूप में 'लुकु-लुकुभि की भी हो' वंश-वृक्ष का जन्मदाता के रूप में तथा विनम्र याचना करते हुए वंश-वृक्ष के रक्षक से सुखमय जीवन की कामना की गई है।

सिंडबोंगा कविता में विश्व के विभिन्न सम्प्रदाय के देवी-देवताओं, ईश्वर, राम, परमेश्वर, अल्लाह, गौड़, लुटुकुम हड़म लुटुकुम बुड़ि, पिलचु हड़म पिलचु बड़ि मानु अदम हब्बा को विश्व वंश-वृक्ष के सृष्टिकर्ता के रूप में चित्रित करते हुए विश्व मानव की सुखमय जीवन के लिए विनम्र निवेदन, विनती एवं याचना की गई है।

पुस्तक के अन्त में लिखी गई दो कविताएँ (1) दोरोम तबु बुहांल तन (2) जाति मान चना तन में सांस्कृतिक जीवन की रक्षा हेतु संबोधित निवेदन है।

'हो' सांस्कृतिक जीवन की भूमिका में प्राकृतिक स्थलों-नदी, वन पर्वत, वायु, सृष्टि, जल, सूर्य, चाँद, सितारे तथा पेड़, पौधे, फूल, फल पत्ता और अन्य उत्पादन दुन, सिन्नुर, अरोआ चावल, हल्दी चूर्ण, सरसों, हाड़ियाँ आदि का चित्रण किया गया है।

'विर बुर बोंगा बुरू' में लिखी गई कावताएँ गेय हैं। इसे मगे, बा, हेरोः, जोमनमा आदि पर्वों में तथा पर्वों के गीत रागों में गाया जा सकता है।

पिता स्वर्गीय सेलाये कोड़ाह तथा माता स्वर्गीय गासों कोड़ाह की धार्मिक जीवन की अमिट छाप ही कविता की अक्षुण्ण निधि है।

माननीय श्री मंगल सिंह लामाये राज्य मंत्री स्वास्थ्य चिकित्सा शिक्षा एवं परिवार कल्याण तथा लोक स्वास्थ्य अभियन्त्रण विभाग, बिहार, जी के प्रति अपना विनम्र आभार प्रकट करना नहीं भूल सकता, जिन्होने अपने किन्हीं अज्ञात दुर्लभ क्षणों में पन्नों को उलटा- पलटा और चलते-चलते पुस्तक के मस्तक पर अपने पावन करों से भूमिका का तिलक लगाकर इस अंकिचन कृति का गौरव बढ़ाया है।

अन्त में मैं उन सभी प्रिय मित्र बन्धुओं के प्रति श्रद्धानंत हूँ जिनकी ज्ञात-अज्ञात अमरवाणी मुझे सदैव प्रेरणा देती रही है जो हमारी संस्कृति के जाग्रत प्रहारी हैं।

अपेक्षा है कि प्रस्तुत पुस्तक 'हो' समाज तथा 'हो' विद्यार्थियों एवं राष्ट्र के लिए विशेष उपयोगी सिद्ध होगा।

कमल लोचन कोड़ाह "हो"

## विषय सूची

पृष्ठ सं.

1. सिरजोन्-दिसुम	09
2. बिडदा-एरा	45
3. सिङ्गोंगा	46
4. गोहरि	51
5. जोअर तेला लेम	53
6. रेंगे: होन जोअर तेला लेम	55
7. अम सेबागे	58
8. सिङ्गोंगा होरा उदुवा लेम	60
9. सिङ्गोंगा नेला कनतेलेम	61
10. तुडसि दरू	62
11. निरल जिबोन	64
12. दोरोम तबु बुहांल तन	67
13. जति मान चबा तन	74

## सिरजोन्-दिसुम्

हेन्दे नुबः दिसुम सिरजोन  
 चेल-चोपोल दः सिरजोन  
 हेन्दे नुबः दः दिसुम सिरजोन लेन।  
                  सिगि चन्दुः मरसल सिरजोन  
                  इपिल्ल होन्को तेतेःए सिरजोन  
                  हेन्दे नुबः दः दिसुम मरसल सिरजोन लेन।  
 दः बुटा ओते सुम  
 लेन्डेडरं नम सुम  
 मरसल दिसुम दः दिसुम ओते सिरजोन लेन।  
 तंसड तुम्बु उपन लेन  
                  दिरि दरू-जोनोम लेन  
                  ओते दिसुम तंसड दरू, दिरि जोनोम लेन।  
 तंसड दुम्बु गुल-गुल  
 बिर-दरू नुड-नुड  
 ओते-दिसुम गुल-गुल नेल चेएरा गे।  
                  दरू-दरू पुटओ बाड़ा  
                  मुतुड सोअन जिबोन बाड़ा  
                  बाड़ा दिसुम पुटओ बाड़ा मुतुड सोअन लेन।  
 दरू-दरू जो बेरेल  
 सोमए सेटेर जो मता  
 जो दिसुम जो बेरेल पकोड़ो मता लेन।  
                  जोमे जो ओकोए तोरं?  
                  जो मता गोसो देरं  
                  जो दिसुम जो-मता गोसो गसर लेन।

बा-हिसिर लुकुमि सिरजोन  
 जो-जोमे लुकु उपन  
 ओत दिसुन मनाओ सिरजोन सिरजोन दिसुम  
 दः जियु को चुडः-चुडः  
 सनं मुतिड जुड़ि जुड़ुः  
 जुड़ि-संगि गति संगि दिनको संगि लेन।  
 होयो-जियु को अपिर इनुड़  
 दख-दख को चल इनुड़  
 दख-उम्बुल रेया होयो को पेरेम इनुड़  
 पेरेम जुड़ि-जुडिन जुड़ि  
 मिडेन जुड़ि जिबोन जुड़ि  
 जुड़ि संगि गति दिन को संगि लेन।  
 ओते जियु को तमड-तुमुड  
 पेरेम जिबोन जमड जुमुड  
 उकु दनं जुडिन जुड़ि को पेरेम् इनुड़ तन।  
 मिडेन सनं दनं इनुड़  
 सएड लिटिब जिबोन अटेड  
 जुड़ि संगि गति संगि दिन को संगि लेन।  
 सिरजोन दिसुम सिरजोन लेन  
 जिबोन जुड़ि को संगि लेन  
 सिरजोन दिसुम चेरो-बेरो चेरो बंकाणा गे।  
 चिमिन सुगड हो को दिसुम  
 चिमिन् चेरो जियु को दिसुम  
 सिरजोन दिसुम होको दिसुम चिमिन निराला?  
 दिसुम हो को हया तेतन  
 बोंगा-बोंगा को हेरेल तेतन  
 सिरजोन दिसुम होको दिसुम दिसुम को हया तन।

[2]

जड़ रिमिल् जड़  
 पं रेगे नुं-नुं  
 रिला-मला जोलो मोलो रिमिल नेलोः लेन॥

[2]

जेटे रिमिल निल गदेड  
 नुबः रिमिल हेन्दे गदेड  
 निदे-सिंगि नेल इनुडः जिबोन सनं तन।  
 जरगि चन्दुः एर सड़ि  
 मिसा टोटा मिस दपल  
 जं रिमिल गियुः गमं दपल जुडिन तन।  
 निर सेन कउ-बउ  
 एर संड़ि रउ-रउ  
 चन्दं मुतिड जुलोः नेलोः हया गमं गे।  
 होयो जकेड गियुः बनोः  
 रिमिल जकेड गमं बनोः  
 एर-सड़ि रउ-रउ केअल बनोः जन।  
 होयो रिमिल पेरेम जुड़ि  
 निदे सिंगि गप्पाति जुड़ि  
 एते: देर गमा चन्दुः किभ पेरेम इनुडः तन।  
 जिड़ि सनं कपाड़ि इनुड़ि  
 मोने सनं सपब इनुड़ि  
 एतोः देरं सनं मुतिड किभ लपादि इनुड़ि।  
 लपादि मुतिड हिविर टेर  
 पेरेम रसि तिरपि पसिर  
 एते: देरं ओते दिसुम लुम जगदा लेन।  
 होयो रिमिल पेरेम नेनेल

सिंगि चन्दुः हया हेरेल  
 सिंगि चन्दुः पेरेम सनं रिमिल-सोंगोतो।  
 सिंगि -चन्दुः उकु-उकु  
 होयो रिमिल पेरेम उकु  
 एर सड़ि होटः पेरेम किज नेल तन।  
 सिंगि लोड़ो जाओ गे जाओ  
 नेलोः लेका रउ गे रउ  
 एर सड़ि दनं दपल सिंगि लोड़ो तन।  
 गियु ममं रिमिल रः  
 बोरो बिकोल इयुः दः  
 सिंगि पेरेम रिमिल दः इयुः पसिर लेन  
 पिरिल दः इयुः पसिर  
 ओते रे देरं टोः पसिर  
 एतेः देर हो दिसुम मेड दः इयुः लेन।  
 मन्डा चन्डड गड़ा गन्डड  
 निर सेसेन मिडेन गन्डड  
 एतेः देर दोरेया अकाड़ा जुमुर जुडिन ते।  
 होको दिसुम जुमुर देरं  
 चैंल-चोपोल सुसुन देरं  
 रिमिल गियुः होयो दनं मेड दः नेलेते।  
 “हो” को दिसुम बोंगा को दोरेया  
 रिमिल मेड दः जुडिन दोरेया  
 हो दिसुम रिमिल मेड दः को सेबा-सड़ा तन।  
 सिंगि गेको उदुबइ तन  
 रिमिल गेको जगरइ तन  
 ‘हो’ दिसुम रिमिल मेड दः को गोअरि जोअर तन।  
 रिमिल मेड दः रिला-मला

उरि: गुरि: मिसा गुरि:

‘हो’ दिसुम गुरि: सपा बोंगा का सेवातन।

तरा को मेने गंगा दः

तरा को मेने गड़ा दः

‘हो’ दिसुम रिमिल मेड दः को जोअरि जोअर तन।

रिमिल मेड दः चिमिन निरल

‘हो’ दिसुम चिमिन तरल

तिरपि पसिर-कुरपु पसिर बोंगा को सेवा।

दःगे जिबोन जोनोम दिसुम

जिउ जोन्तु जिबोन सेसेन

‘हो’ दिसुम रिमिल मेड दः सरि गे जिबोनन।

[3]

सेतः सेतः सेंगेन गोटा

तुरोः नेलोः मयोम गोटा

ओते बुटा सिंगि गोटा नेलोः तुरोः लेन।

तुरोः नेलोः तुर तुड़ गोटा

होए चेणे को दुरड़ गोटा

रिमिल बुटा मयोम गोटा तुरोः नेलोः लेन।

मयोम गोटा जोअर तेला

होए चेण को दुरं तला

नम चरा ओते दिसुम को अपिर अटिड लेन।

जियु जोन्तु मेड सपा

सिंगि जोअर नेल सपा

सुकु जिबोन लागिड तेको जोअर इनुड़ तन।

मनोआ उटे कउ-बउ

सिंगि जोअर नउ-नउ

असरा जिबोन पसरा तेला सिंगि को जोअर तन।

सिंगि मरसल केटे: जेटे  
 ओते दिसुम लो-लो एटे।  
 तसड दुम्बु विर-दख लन्दा एटे: लेड।  
 सिंगि चन्डुः पकोड़ो होमोहो  
 पेरेम चन्डुः गिसिर होमोहो  
 चन्डुः चेएरा दपल दनं सिंगि गियुः ते।  
 चन्डुः पेरेम उकु दनं  
 गियुः तेगे: दपल दनं  
 सिंगि देरं नम कोजर निरे सेरे तन।  
 कःए नमन चन्डुः देरं  
 सिंगि गियुः जेटे तिरुब  
 गियुः गर्म ओते दनं सिंगि दनं लेन।  
 तरल-निरल एर सडि  
 एर सड़ि कुलुसु पसिर  
 सिंगर सहजो चन्डः सेटेर सिंगि नमते।  
 नम कोजर रिमिल कोचा  
 निदे गोटा होनोर कोचा  
 हलए-बलए जि जिबोन अकुल-बकुल लेन।  
 रः गेरं निदा गोटा  
 मेड दः पिरिल गोटा  
 ओते होमोहो तसड पसिर चन्डुः मेड दःतो।  
 सिंगि चन्डुः पेरेम नेका  
 उक दनं नेपेल नेका  
 हो को दिसुम सिंगि-चन्डुः रपिड इनुड तन।  
 सिंगि-चुन्डुः पेरेम इनुड  
 इपिल्ल होन्को नेल इनुड  
 एंगा-अपु नम्पम इनुड होन्को लन्दा तन।

चन्दुः एंगा जर इनुड़  
 इपिल्ल होन्को रः इनुड़  
 सिंगि अपु नम तेको रः इनुड़ तन।  
 कुकुर जनः ए चोउ मामा  
 इपिल्ल होन्को रः नेका  
 सिंगि जुड़ि नमतेगे: हलए-बलए लेन।  
 चोउ-ममा निर उकु  
 इपिल होन्को उडुः दुकु  
 एंगा अपु कुपुसुर तको रः गेरं तन।  
 उकु दनं एः सेटेर लेन  
 रिमिल कोचा: ए नेलोः लेन  
 एंगा नेलेते इपिल्ल होन्को रपिड नेपेल तन।  
 हया तेतं कोयोड़ देरं  
 इपिल्ल होन्को गेरमोज देरं  
 रिमिल दिसुम नेल एंगा को लन्दामरसल लेड।  
 सिंगि चन्दुः जिबोन बनोः  
 इपिल्ल होन्को मयोम बनोः  
 जिबोन मयोम बनोः रेयोको पेरेम इनुड़ तन।  
 सिंगि जेटे जं जेटे  
 चन्दुः तेते: तरल तेते:  
 'हो'- दिसुस सिंगि चन्दुः जेटे तेते: तन।  
 चिमिन निरल 'हो' दिसुम  
 चिमिन तरल रिमिल दिसुम  
 जिबोन मयोम बनोः जिनिसि पेरेम इनुड़ तन।  
 पेरेम एतो सिंगि चन्दुः  
 मरसल एतो जेटे तेते:  
 'हो' दिसुम पेरेम जुड़ि पेरेम एतोन मे।

[4]

दस सकम लिपि-लिपि  
होमोहो रेगे तकि: तकि।  
गियुः गमं बनोः होयो होमोहो तकि: ते।

उमि कनम केया बपागे  
नुतुम मा कनम जुङ्डि बपागे  
गियुः गमं बनोः होयो होमोहो तकि: ले।  
रिमिल गेदम चकड इनुड  
निपा तेरपम इड इनुड  
तिड़ि-कटा लपादि दपल पेरेम इनुड तन।

एर सड़ि उटि:-सुटि:  
सनं मुतिड जुटि:-जुटि:  
मिसे होटः मिसे दपल पेरेम इनुड तन।  
रिमिल उडुः गियुः जिबोन  
कुरकुर उडुः पेरेम जिबोन  
रिमिल देरं ककाला हिविर एरं गोन्दे तन।

बुरु चुटि दनं कोरे  
ओते तुन्डु मुटिड कोरे  
सब बेटेड रिमिल देरं रः मेड दः तन।  
पिसिर पिरिर मेड दः  
निदे सिंगि जोरो दः  
दोडा गडा इकिर पेरे: मेड दः ते।

उकु दनं निर उकु  
दोरिया रेगेम मिड उकु  
होयो नोरा रिमिल उकु दोरेया उम्बुल रे।  
उमि जनम जुङ्डि बगे  
नुतुम जनम पेरेम बगे  
गियुः गमं बनोः होयो होमोहो तकि: ते।

जिबोन होमोहो तकि: बिसिड  
 जिबोन ओअः पेरेम बिसिड  
 गियुः ने बनोः होयो होमोहो तकि: ते।  
 मुटे होरा निर उकु  
 आ होरा सेन उकु  
 जिबोन ओअः अदिडः रेगे जोंकोन इनुडः तन।  
 बोरो बिकोल रोवा देरं  
 लिटिब जोकोन जिबोन देर  
 जिबोन ओअः रोवा देरं बिसिड उमि लेन  
 उमि जनम नुतुम जनम  
 होमोहो रोवा पेरेम जनम  
 जिबोन ओअः रोवा देरं बिसिड उमि लेन।  
 गियु गमं होयो निर  
 ओअः अदिडः रोवा निर  
 होमोहो अदिडः रोवा होयो निर बेमल बेमल।  
 होयो केया रोवा सोंगे  
 रोवा केया होयो सोंगे  
 ‘हो’ दिसुम ओअः अदिडः दिन नम कोजर केन।  
 ओअः अदिडः कोचा-कोचा  
 होयो रोवा कुचा-कुचा  
 ‘हो’ दिसुम ओअः अदिडः पेरेम इनुडः तन।  
 होमोहो चोकाः हसा दपल  
 रोवा जिबोन ओअः अदिडः  
 ‘हो’ दिसुम रोवा-बसा ओअः अदिडः रे।  
 पोरोब पोनइ सेबा सड़ा  
 नुतुम-नुतुम केजा-केजा  
 होयो रोवा ‘हो’ दिसुम बोंगा सेबा गे।

एर सड़ि कुलुसु पसिर  
 अदिड़ ओआः नितिर-पसिर  
 निरल-तरल तोरोः ए सड़ि रोवा सिंगार  
 सेन चन्डड तोरोः ए सड़ि  
 मन्डा चन्डड तकिर-इकिर  
 'हो' दिसुम रोवा आंदि मन्डाको पंजा तन।  
 ससड मन्डि ओआः अदिड  
 रम्बा उतु ओआः अदिड  
 हसा मटिया डियड रसि को तिपिल इनुड तन।  
 चिमिन निरल रोवा आंदि  
 चिमिन तरल होयो आंदि  
 'हो' दिसुम रोवा आंदि एतो चलेन मे।  
 होयो जिबोन निरल-निरल  
 रोवा जिबोन तरल-तरल  
 'हो' दिसुम होयो रोवा बोंगा एतोन मे।

[5]

सरजोम बुरु रे सरजोम दरु  
 उड़िड़ मरं सरजोम दरु  
 होकोए तोरं रोवा लेड सरजोम दरु दो?  
 सरजोम बुरु रे सरजोम दरु  
 उड़ि मरं सरजोम दरु  
 'हो' दिसुम सिंगबोगा देरं पड़ा-रावा लेड।  
 बले: बले: सरजोम सकम  
 जुर सेंगेर सरजोम सकम  
 होयो बनोः रेयो सकम लिपि-लिपिन तन:  
 होयो बनोः लेयोनेन तन  
 बले: सकम जोकोनेन तन

होयो बनोः रेयो सकम लेयोन चोकोन तन।  
 बले: सकम जुम्बा कोरे  
 जुर सकम बितर कोरे  
 बले: तरल सरजोम बाड़ा-बाड़ा कोंडो लेन।  
 सा-सा रेया होयो कोरे  
 चन्दुः इपिल जुम्बलए कोरे  
 कोंडो तरल सरजोम बाड़ा बाड़ा पुटाओ लेन।  
 तरल-तरल सरजोम बाड़ा  
 निरल तरल पुटाओ बाड़ा  
 सरजोम दरू डालि-डालि बाड़ा-बाड़ा लेन।  
 सरजोम बाड़ा मोन हया  
 पुटाओ बाड़ा जिबोन हया  
 बाड़ा नेले गिसिर होमोहो बाड़ा हया ते।  
 बेरेल रेयो तरल बाड़ा  
 गोसो रेयो तरल बाड़ा  
 लुक्कुमि देरं बाड़ा नेलते: हया बिकोल तन।  
 जि सनं बाड़ा सनं  
 मोन सनं डालि सनं  
 लुक्कुमि जि चेल-चोपोल बाड़ा सनं ते।  
 सरजोम दरू सलगि मरं  
 जि जिवोन दरू मरं  
 लेयोन जोकोन सरजोम बाड़ा टोटे: एगे सनं तन।  
 सरजोम बाड़ा सरजोम चुटि  
 क बेटन तिड़ि चुटि  
 लुक्कु-लुक्कुमि लोगोर-तोगोर बाड़ा चुटि ते।  
 दा कमर हके बइमे  
 सरजोम बाड़ा दरू चुटि

बोः सुपिड डालि सनं मोने हया तन।  
 लुकु-तुकुमि कुमु देरं  
 देसाउलि जगर देरं  
 जएर एरा जएरा बुटा सेबा जोअर लिमे।  
 कुमु उदुब जगर लेका  
 लुकु लुकुमि कटब तुखब  
 कुटब तुखब डियड़ अकिड़ जएर सेबा ते।

दिन दिपिलि सेटेर लेन  
 लुकुः लुकुमि-तियर लेन  
 जएरा बुटा जएर एरा सेबा जोअर लेन।

[6]

चेएरा लुतुर ति कटा  
 होलोड़ लुपुः तकिड-तकिड  
 दिउरि देरं सहजो सिंगर होलोड़ होनोल ते।  
 जएरा बुटा चलुः सपा  
 बेरेल दः तिरपि पसिर  
 बोंगा जएरा तिरपि-निरल-बेरल दः ते।  
 होलोड़ कोटोड़ अइया ओटोड़  
 अरोआ चउलि कोंडोड़ कोटोड़  
 सिम मेरोम जोबे जोरोड़ जएर नुतुमते।  
 मयोम अटिड़ कोटोड़ कोटोड़  
 नुतुम अटिड़ केजा-केजा  
 दिलि केया कुपुल को गन्डा अटिड़ केन।  
 डियड़ रसि नु अटिड़  
 सरजोम सकम केजा अटिड़  
 जएरा एरा पिचः अटिड़ कुपुल बुन्दु को।  
 देसाउलि नेले केन।

जएर एरा तेला केना  
 लुकु-लुकुमि सेबा-जोअर जि किज तेला केन।  
 लुकु लुकुमि दुरं गाता  
 सरजोम बाड़ा पेरेम गाता  
 सरजोम चुटि सरजोम बाड़ा लेयोन अगुन मे।  
 लुकु-लुकुमि सिरजोन गाता  
 सरजोम बाड़ा जोअर गाता  
 सरजोम चुटि सरजोम बाड़ा तोसोरे अगुन मे।  
 लुकु-लुकुमि मिडेन गाता  
 सरजोम बाड़ा सेबा गाता  
 सरजोम चुटि सरजोम बाड़ा जोकोन अगुन मे।  
 ओअः दोलिड-सरिल तड़ा  
 रचा दोलिड गुरि: इ तड़ा  
 सरजोम चुटि सरजोम बाड़ा नोसोर अगुन मे।  
 सरजोम बाड़ा नोसोर लेन  
 लुकुमि ओअः सेटेर लेन  
 सरजोम बाड़ा लुकुमि सुपिड-सुपिड डालि लेन।  
 लुकु-लुतुर तरल बाड़ा  
 लुकुमि लुतुर सुपिड बाड़ा  
 मुतुड सोअन पुटाओ बाड़ा ते होमोहो गिसिर लेन।  
 ओअः आदिड डालि बाड़ा  
 कोचा-कोचा नोरसोड बाड़ा  
 तरल-निरल पुटाओ बाड़ा ते जि निरल लेन।  
 आदिड ओअः बाड़ा सेवा  
 सरजोम सकम सुडा सेबा  
 कटब-तुखब रसि बाड़ा किज सेबा तन।  
 मसुरि दलि रम्बा उतु

रो हइको सिटब उतु  
 बेगर ससड उतु देरं बाड़ा किज सेवातन।  
 जएरा एरा सुसुन जोकोन  
 देसाउलि दुरं जोकोन  
 लुकु-लुकुमि सोंगे जोकोन ओअः अदिङ रे।  
 रोवा-जोवा सुसुन जोकोन  
 बोंगा बुरु को दुरं जोकोन  
 लुकु लुकुमि सोंगे जोकोन ओअः अदिङ रे।

[7]

किलिमिलि किलि सोंगोति  
 जति-पति जति-पिरिति  
 लुकु-लुकुमि सोंगे सुसुन ओअः अदिङ रे।  
 चौरासि दिसम किलि-मिलि  
 बोंगा रजा को दिलि सेटेर  
 लुकु-लुकुमि जोकोन संगि ओअः अदिङ रे।  
 लुकु-डिन्डा हिसिबर सिरमा  
 लुकुमि डिन्डा गेलबर सिरमा  
 ओअः अदिङ अकाडा रेकिज जदुर इनुड तन।  
 तेगज तेगज दो दोया गो दाबिरे  
 कुलुसुज कुलुसुज दो लिपिर कुअम रे  
 लुकु दुरंड लुकुमि तेला सुसुन जोकोन तन।  
 दिलि कुपुल को दुरंड सोंगे  
 दिलि बुन्दु को सुसुन सोंगे  
 लुकु लुकुमि सोंगे सुसुन ओअः अदिङ रे।  
 सिरमा-सिरमा सेबा चोलोन  
 बोरोसो-बोरोसो जोअर चोलोन  
 लुकु-लुकुमि चोलोन दुस्तुर लेन।

सिरमा सिरमा दिलि चोलोन  
 बोरोसो-बोरोसो जोअर चोलोन  
 लुकु-लुकुमि कुपुलु सुसुन दिन्नो चोलोन लेन।  
 बोंगा दिसुम बोंगा चोलोन  
 सरजोम बाड़ा बोंगा चोलोन  
 बोंगा दिसुम बाड़ा सेबा जोअर चोलोन लेन।  
 बोंगा दिसुम बोंगा चोलोन  
 सुसुन दुरं जदुर चोलोन  
 बिर-दिसुम बाड़ा सुसुन जदुर चोलोन लेन।  
 सरजोम बुरु सरजोम सकम  
 लेर लेवेर सरजोम सकम  
 जुर सेंगेर सरजोम सकम बोंगा को सेबा तन।  
 सुः जेरेड सकम देरं  
 चुकुदि बनइ सकम देरं  
 जुर सेंगेर सरजोम सकम बोंगा को सेबा तन।  
 रुड बुरु रुड सकम  
 बर अटल रुड सकम  
 गियल गोपोल रुड सकम बोंगा सेबा तन।  
 मन्डि डियड दुल सकम  
 नुतुम-नुतुम केजा सकम  
 रुड सरजोम सकम देरं बोंगा की सेबा तन।  
 कोरकोटा बुरु कोरकोटा सकम  
 अटल-तरल कोरकोटा सकम  
 हेरोः जोमनमा पोरोब देरं बोंगा को सेबा तन।  
 बोंगा-बुरु को सेबा तनते  
 डियड मन्डि को जोम तनते  
 बिर दिसुम हो को देरं सकम चोलोन लेन।  
 ओतोरोड बरु रे ओतोरोड नइ

लेर लेवेर ओतोरोड नइ  
 बिर-दिसुम हो को देरं नइ को पटु तन।  
 रोवा देरं दबोन एते  
 ओअः अदिङः कोङ़ादि ते  
 अटु-पटु चटु देरं रोवा को दबोन तन।  
 चिरु बुरु चिरु सकम  
 लेर-लेवेर चिरु सकम  
 हसा दोङ़ा रोवा देरं को केया पंजा तन।  
 तिरिल बुरु रे तिरिल दस  
 लेज बोंज हेन्दे दस  
 ओनोल चटु बुः सोलोड-दस रोवा केया ते।  
 ओअः अदिङः रोवा केया  
 तिरिल डन्डा तकिः इ  
 तकिः बेटेड रोया केयां ओअः अदिङः ते।  
 हसु-दुकु सोमए कोरे  
 पंजा-पुणि नम कोरे  
 टकब-टुकुब तिरिल डन्डा एकेला उदुब गे।  
 बोंगा दिसुम चौलोन देरं  
 किलिमिलि कोबोर देरं  
 बिर-दिसुम तिरिल डन्डा गोनोड चौलोन लेन।  
 लमः बुरु लमः जं  
 तिलमिज बुरु तिलमिज जं  
 बिर-दिसुम बोंगा सेबा रम्बा जं ते।  
 चउलि हता पटा-पुटु  
 बगेया बोंगा खटुः-खटुः  
 मगे बसि बगेया सेबा चउलि हता ते।  
 मदुकम दिसुम रे कुदि मुदुकम

लुकु तुकुमि अलं मुदुकम  
 रेगे: रेबड़ कुदि मुदुकम जोम असुल लेन।  
 बा-पोरोब केजा अटिड़  
 जएर एरा नुतुम अटिड़  
 बिर-दिसुम मुदुकम बाड़ा बोंगा को सेवा तन।  
 बिर-दिसुम चिमिन चोलोन  
 किलिमिलि जिनिसि चोलोन  
 बिर-दिसुम बोंगा होन्को चोलोन सेसेन लेन।  
 निरल-तरल चोलोन दुस्तुर  
 सपा चेएरा मोन दुस्तुर  
 बिर-दिसुम बोंगा होन्को बोंगा को सेवा तन।  
 किलिमिलि-किलि सोंगोति  
 जति-पति जति-पिरिति  
 नुतुम देरं सिंडबोंगम केजा अटिड़ केन।  
 रोवा रूप जिबोन देरं  
 होमोहो रूप बनोः देरं  
 रूप-सएका मेनः रेचज नेल हुरूम मे।  
 रूप सएका हड़म होड़ो  
 बोः बले पान्डु पुन्डि  
 हो को दिसुम कुमु उम्बुल सरिको मेनेया।  
 तरा को मेने सिरमा रेमा  
 तरा को मेने सोरोगो रेमा  
 सोरोगो रेबेन नचिगो सिड़ बोंगा मोनचो रेबेन।  
 ओआः दुअर बनोः तबेन  
 तइन टएड बनोः तबेन  
 जेटे-लोलो गमा रबं कबेन रबं ओ।  
 चिलका तोरं होमोहो तबेन

चिलका तोरं जिबोन तेबेन  
 जेटे-लोलो गमा रेजकेड कबेन लुमोः अ?  
 दिसुम सरजोन अमको मेने  
 जिबोन सिरजोन अमको मेने  
 सरि गेचि सिड्बोंगा अम सिरजोन केन ?  
 निदा नुबः बइ इनुडः  
 दः दो दः बइ इनुडः  
 ओते-दिसुम दरू दुम्बुम सिरजोन इनुडः केन।  
 सिंगि चन्दुःम सिरजोन केन  
 इपिल होन्कोम उपन केन  
 ओते दिसुम मरसल लागिड सिरजोन इनुडः केन।  
 मनोआ जिबोन सिरजोन केनम  
 जियु-जोन्तुम उपन केनम।  
 ओते दिसुम सिरजोन देरं पे:ए सिंगर ते।  
 हरा मरं दरू सगेन  
 जिड जिबोन होरो जेमि  
 नेल-नेपेल ननोः रेपोम होरो जंगितना  
 हसु-दुकु रे अमगे देरं  
 रेगे: रबं रे अमगे देरं  
 दिसुम उपन जिउ जोन्तुम होरो जंगि तन।  
 रोवा-रोवा ले उडुः मेतन  
 जिबोन-जिबोन ले केयल मेतन  
 जिबोन ओआः अदिडः रेले उडुः नुतुम मेतन।  
 सेबाम तनाले सङ्गाम तना ले  
 पोरोब-पोरोब जोअर मेतना ले  
 'हो' दिसुम पोरजा होन्को जोअर सेबाम तन  
 सन्धि-पुन्धि सिम मयोम

लोदा पुन्डि मेरोम मयोम  
 'हो' दिसुम पोरजा को देरं मयोम ते सेबाम तन।  
 हसु-दुकु सोमए कोरे  
 रेगे: रबं दिपिला कोरे  
 'हो' दिसुम पोरजा पइकि को गोअरि सेबाम तन।  
 पोरजा-पइकि गोरोब जिबोन  
 सिडबोगा नुतुम सखब  
 'हो' दिसुम बुटा अपु-नुतुम सखब लेन।  
 होमोहो मयोम अमगे नमोः  
 कुर्सि पंजा अमगे नमोः  
 'हो' दिसुम पोरजा मयोम अमगे नमोः आ।  
 बिर-बरु नम सोमए  
 हतु बसा बइ सोमए  
 बिर-बिरु हो को देरं बुरु अमिज केन।  
 बुरु-दरु जुम्बा कोरे  
 पलह-बितर जुम्बा कोरे  
 बिर-बुरु हो को देरं कुमु नम लेड मे।  
 देसाउलि नुतुम देरं  
 तरा को मेने हतु गरम  
 'हो' दिसुम हतु-हुतुम हतु बसा जन।  
 ओआः दुअर दरु जुम्बा  
 तइन-टएड नइ जुम्बा  
 हतु कुटि दरु जुम्बा हतु बसा जन।  
 ओआः दुअर कगे नेलोः  
 तइन टएड कगे नेलोः  
 होयो गो रेचि दरु गो रेबेन हतु बसा जन।  
 दः गमा कबेन लुमोः

जेटे-लोलो कबेन टोः  
 रूप-सएका चिल्का तोरं कबेन लुमोः अ?  
 हो को लेका रूप देरं  
 सुतुइ-पिन्दा पुंडि देरं  
 बोः रे दुपि सदोम रे दुब हतुम होनोरा।  
 दुकु सुकु होरो जंगि  
 बोरोसो बोरोसो लेका गन्डा  
 'हो' दिसुम पोरजा-पइकि होरो जंगि तन।  
 कुला-बलु के तः ए कोएते  
 बिंडग मरमर को तः ए कोएते  
 हतु गरम देसाउलि होरो जंगि तन।  
 रेंगे:-रबं अमगे देरं  
 रोगो-जुगिया अमगे देरं  
 दः गमा को जकेड देरं किरिज अगुइ तन।  
 सिरमा-सिरमा सेवा सड़ा  
 बोरोसो-बोरोसो गोअरि जोअर  
 देसाउलि अकाड़ा रेको सेवा सड़ाम तन।  
 अरः सन्धि मयोम देरं  
 सुका कलुटि मयोम देरं  
 देसाउलि ओआः रेको तिरपि सेवाम तन।  
 पोरोब-पोरोब सेवा सड़ा  
 सबेन पोरोब गोअरि नुतुम  
 ओआ-ओआः अदिड़ कोचा को नुतुम सेवा तन।  
 हसु-दुकु सोमए कोरे  
 रोग जुगिआ सोमए कोरे  
 ओआः रचा मयोम तिरपि को गोअरि नुतुम तन।  
 कोलोम कोचा कोलोम बोंगा

गोंवां कोचा गोंवां बोंगा  
 अरः सिम मयोम तेको सेवासङ्गा तन।  
     हो को दिसुम हो को देरं  
     ‘हो’ को दिसुम पोरजा को देरं  
     हतु-गरम देसाउलि को सेवा सङ्गा तन।  
 देसाउलि नुतुम तइन  
 सिंगि चन्दुः दिसुम तइन  
 ‘हो’ दिसुम गोअरि जोअर जोरोड तइना।  
     होमोहो मयोम जोरोड सेसेन  
     देसाउलि नुतुम सेसेन  
     ‘हो’ दिसुम बोंगा होको सेवा तइना।

[9]

जएरा एरा नुतुम देरं  
 तरा को मेने जएरा देरं  
 ओअः बसा जएरा नुतुम जएरा दिसुम रे।  
     दरू को जुम्बा दरू को उम्बुल  
     रेया होयो तरल होमोहो  
     कुटि-मुलि बाड़ा को दरू लेयोन जोकोन लेन।  
 जिलिड-सलंगि होमोहो तबेन  
 पुंडि-लिजः सिंगर तबेन  
 जएरा एरा नुतुम तबेन चिमिन निराला ?  
     मेड-मोचा तरल-तरल  
     बोः बले तिंजर-बोंजोर  
     देसाउलि नेलते देरं जिबोन बिकोल तन।  
 सरजोम दरू दरू-जुम्बा  
 पुटाओ-बाड़ा बाड़ा जुम्बा  
 डिलुआ इनुड़ बाड़ा उम्बुल जएरा बगन रे।

देसाउलि उकु-दनं  
 नेल तनः ए डिलुआ इनुड़-  
 उकु-दनं मोन जिबोन गिसिर रकब लेन।  
 पेरेम सनड़ मोन देरं  
 जुड़िन सनड़ जिबोन देरं  
 एते: देरं उकु-दनं किज पेरेम जुड़ि केन।  
 दिन-दिन किज जुड़ि केन  
 पेरेम जिबोन किम तसिर केन  
 एते: देरं बाड़ा चन्डुः किज अड़ादि कोङ्डादि केन।  
 हिसि-गेलवर बोरोसो बिरड जन  
 होन गंडा को बं को जन  
 दिन सगोर एपेरं-गोपोन्दे होन का बं को ते।  
 तना तैकिज बेना जन  
 बेना तैकिज बेना जन  
 देसाउलि जएरा ओआः किज अटिड नुतुम लेड।  
 मगे-पोरोब मगे मिसे  
 जएरा एरा एरं मिसे  
 सुका-कलुटि मयोम तेको तिरपि मिसइ तन।  
 सेबा-सड़ा को सेबाइ तन,  
 गोअरि जोअर को गोअरि तन,  
 मगे बसि जतारा रेयो को गोअरि मिसइ तन।  
 देसाउलि दारोम अपु  
 जएरा एरा पिरिति एंगा  
 “हो” दिसुम हो को देरं सेबा सड़ाइ तन।  
 जएरा ओआः अदिड़ कोरे  
 बोरोसो मुन्डि तुन्डु कोरे  
 मगे चन्डुः मगे रेको गोअरि सेबाइ तन।

जएर-एरा जएरा अकाड़ा  
 नुतुम सकि जएर कन्डा  
 “हो” दिसुम झारखण्ड नुतुम लेन।  
 हो तेदो जएरकन्डा देरं  
 दिकु तेदो झारखण्ड देरं  
 एते: देरं हो दिसुम झारखण्ड नुतुम उमि लेन।  
 दोला तेबु पंजा लेया,  
 सरि तेबु नेले लेया  
 सरिगे देरं जएरकन्डा झारखण्ड नुतुम लेन।

[10]

नुतुम देरं मरं बोंगा  
 बोंगा कोरे मरं बोंगा  
 जिया तताको अमित्र नम बुर्ल लोंगोर रे।  
 तरा को मेने असुर बोंगा  
 सिपुड बनचाओ असुर बोंगा  
 हतु-दिसुम मरं बोंगा बोंगा नुतुम लेन।  
 जति जतिम पितिडे जन  
 किलि-मिलिम नुतुम जन  
 “हो” को दिसुम मरं बोंगा बोंगा नुतुम लेन।  
 हो-को दिसुम मरं बोंगा  
 दुपुन दिसुब मरं बोंगा  
 किलि-मिलिम नुतुम अटिड सेवा उमि लेन।  
 दुअर-हरि मरं बोंगा  
 कतु-बुर्ल मरं बोंगा  
 किलि-मिलिम नुतुम अटिड सेवा उमि लेन।  
 सिकि इकिर मरं बोंगा  
 तरा को मेने कुम्बु बोंगा

किलि-मिलिम नुतुम अटिडः सेवा उमि लेन।  
 दुपुब दिसुम बुटा बोंगा  
 चंगा अटिडः कोतो बोंगा  
 किलि-मिलिम नुतुम अटिडः सेबा उमि लेन।  
 होमोहो रूप बनोः देरं  
 जिबोन रूप बनोः देरं  
 नेल नेपेल मेड नेपेल-नेपेल बनोः जन।  
 हति सएका उम्बुल देरं  
 कुमु कोतोः नमोः अ देरं  
 ‘हो’ दिसुम हति सएका कजि उमि लेन।  
 महन बसा हतु कुटि  
 दरु उम्बुल ओआः बसा  
 ‘हो’ दिसुम तइन बसा दरु उम्बुल रे।  
 कमि उमि होरो जंगि  
 लोको लोचोमि होरो जंगि  
 ‘हो’ दिसुम बबा विति होरो जंगि तन।  
 पुंजि-पंजा अदोवा चउलि  
 संसडः गुन्डा केजा अदिडः  
 ‘हो’ दिसुम मरं बोंगा को बोंगा अटिडः तन।  
 दलपादपा-दलपा दिरिज  
 होटः बुनुम दलपा दिरिज  
 केड़ा मयोम तिरपि पसिर मुनु को सेवा केन।  
 तुकादोसा मिडि मयोम  
 तिरपि-पसिर मयोम मयोम  
 ‘हो’ दिसुम भिन्डि मयोम को सेबा सड़ाम तन।  
 जनुम सकम मेरोम मयोम  
 तिरपि-पसिर मयोम-मयोम

हो दिसुम मेरोम-मयोम को सेवा-सङ्गाम तना।  
 कुबा सन्धि सिम मयोम  
 तरिपि पसिर मयोम-मयोम  
 'हो' दिसुम कोलोम मयोम को सेवा सङ्गाम तन।  
     कोलोम कोचा सेबा सङ्गा  
     केचेड़ा सिम मयोम सेबा  
     'हो' दिसुम कोलोम रेको मयोम सेबाम तन।  
 गोंवां कोचा सेबा सङ्गा  
 नुतुम मेया को मरं बोंगा  
 'हो' दिसुम गोंवां किलि-किलि मरं बोंगा लेन।  
     मरं बोंगा नुतुम मरं  
     कमि उमि बोंगा मरं  
     'हो' दिसुम किलि-किलि मरं बोंगा लेन।  
 नम पंजा दुपुब बुटा  
 मरं बोंगा नुतुम पंजा  
 'हो' दिसुम हो को मयोम बोंगा सख्त लेन।

[11]

मुनु दोकिज पेरेम केन  
 सिदा दोकिज जुड़ि केन  
 दस्लको जुम्बा ओअः रेकिज रसिका इनुड़ केन।  
 मरं बोंगा पेरेम देरं  
 पंगुरा बोंगा जुडिन देरं  
 हडम बुड़ि पेरेम जुड़ि नुतुम तड़िकेन  
     उकु दनं जोजोम देरं  
     हटिड़ चुपुउ बनोः देरं  
     जिलु होरा लगिड रेकिज एपेरं गोपोन्देजन।  
 मरं बोंगा कुरकुर जन

पंगुरा बोंगा नराजो जन  
तन्ना-तन्ना ओअः रेकिज तन्ना बसा जन।  
सेबा जएगा तन्ना-तन्ना  
दएं दका मिड् गे मिड् गे  
जिलु लिंगि तन्ना-तन्ना किज सेबा सड़ा जन।  
सेबा सड़ा मिडगे तकिज  
गोअरि जोअरि मिडगे तकिज  
‘हो’ दिसुम हो कोकिज होरो जंगि तन।

[12]

मुनु-सिदा बुरु अभिज  
लोर लोंगोर ओते को बइ  
नगे-एरा बिदि एरा कोमः नम लेन।  
नमे एरा को हतिर देरं  
कुमु कोते को उदुबेन देरं  
ओअः बसा टइन बसा को उदुब जगर लेन।  
जएगा-जएगा को नुतुम उमि  
लोर-लोर को नुतुम सकि लेन।  
नगे को टइन टएड देरं नुतुम सकि लेन।  
तरा को नुतुम सेतेज दः नगे  
तरा को उमि कुदा लोर नगे  
एते: देरं नगे नगे एरा को नुतुम अटिड लेन।  
टइन बसा दः टएड  
गड़ा-बन्दा पुकुरि टएड  
नगे-बिदि को ओअः बसा दः टएड रे।  
रूप सएका केड़ा उम्बल  
रोड़ रूप हेन्दे मोंगउ  
केड़ा सएका कुमु उदुब उदुब मरसल लेन।

'मनोआ होन्को होरो-जंगि  
 बबा-बिति दोन संगि  
 दः दिसुम नगे को देरं होरो जंगि तन।  
 दःगमा रिंगा रिंगा  
 दःगमा केयाः उजुः  
 दः दिसुम नगे को देरं दः को केया तन।  
 अरोआ ससड सेबा-मान  
 गोअरि नुतुम ससड मान  
 दः दिसुम नगे को देरं ससड आसि तन।  
 हसु-दुकु सोमए कोरे  
 ससडः गुन्डा दरोम गुडा  
 दः दिसुम नगे को देरं सिम-जरोम आसि तन।  
 बबा-हेर मुटि कोरे  
 सल-सकि नगे एरा  
 नगे को नुतुम हेन्द सिम का करसा सेबाइ तन।  
 सल लोंगोर नगे एरा को  
 दाढ़ि-गड़ा नगे बिदि को  
 'हो' दिसुम नगे एरा को गोअरि जोअर तन।  
 कोलोम उटांड़ि कोलोम बोंगा  
 सिमान-सिमान नगे को बोंगा  
 'हो' दिसुम हेन्दे सिम ते नगे को सेबा तन।

[13]

दः दिसुम् दःएरा को  
 नुतुम् देरं नगे एरा को  
 'हा' दिसुम् दः एरा को सेबा सड़ा तन।  
 तरा को मेने गोवां बोंगा

तरा को मेने गोटो बोंगा  
 गोंवां गो रेचि गोटो रेतम टइन बसा दो ?  
 उरि: केड़ा पुंजि-पोवा  
 मिंडि-मेरोम हिता पुंजि  
 गोंवां बोंगा गोट बोंगा पुंजि पोवा तन।  
  
 बिर बुरू होरो-जंगि  
 लोको लोचोमि रका जंगि  
 हसु-दुकु रोग जुगिया होरो जंगि तन।  
  
 उरि: केड़ा को एंगा अप  
 मिंडि मेरोम को एंगा अप  
 गोंवां बोंगा गोट बोंगा लोचोमि बोंगा दो ?  
  
 गोंवां ओअः टइन बसा  
 गोट ओटः दुनुब बसा  
 'हो' दिसुम गोंवां ओअः टइब बसा दो ?  
  
 सोराए चन्दुः सोराए वसि  
 मगे चन्दुः मगे गुरि:  
 गोंवां ओअः गोआ बोंगा को सेबा सड़ा तन।  
  
 पुन जएगा सिन्दुरि टिका  
 गोंवां दुअर सिन्दुरि तुडः  
 गोंवां ओअः गोंबां बोंगा को सिन्दुरि सेबाइ तन।  
  
 अरोआ-चउलि पंजा पुंजि  
 ससड़ गुन्डा गन्डा गन्डि  
 हेन्दे कुलुटि सिम मयोम को तिरापि बोंगा इतन।  
  
 बिर दिसुम गोंवां बोंगा  
 हो को दिसुम गोट बोंगा  
 हो दिसुम गोंवां बोंगा बोंगा को सेबाइ तन।  
 गोंबां ओअः गोआ बोगा

बोंगा जुड़ि सिडबोंगा  
 सिडबोंगा सोंगे तेको सेबा मिसाइ तन।  
 पुन जएगा सिन्दुरि तुडः  
 पुन चुकुदि रसि दः  
 सिडबोंगा सोंगे तेको सड़ा मिसाइ तन।  
 अदोवा-चउलि पंजा-पुजि  
 गोअरि जोअर नुतुम कजि  
 पुंडि सिम मयोम तेको तिरपि बोंगा इ तन।

[14]

गोंवां ओआः गोंआ बोंगा  
 बोंगा जुड़ि देसाउलि  
 देसाउलि सोंगे तेको सेबा मिसाइ तन।  
 पुन जएगा सिन्दुरि तुडः  
 पुन चुकुदि रसि दः  
 देसाउलि सोंगे तेको सड़ा मिसाइ तन।  
 अदोवा चउलि पंजा-पुजि  
 गोअरि-जोअर नुतुम कजि  
 हेरः सड़ि मयोम तेको तिरपि बोंगा इ तन।  
 गोंबां ओआः गोंआ बोंगा  
 बोंगा जुड़ि हाम हो को  
 हाम होको सोंगे तेको सेबा मिसा को तन।  
 बोंगा सिम को किलिमिलि  
 इम सलोम पसिड-तडः  
 सकम चेतन इम-सलोम को बोंगा नुतुन तन।  
 नुतुम मुतिड इम अटिडः  
 पुः मुतिड डियड अटिडः  
 नुतुम नुतुम रोवा देरं को बोंगा सेवाइ तन।

इम सलोम मन्डि डियड  
 केजा आटिड़ि सकम सकम  
 बोंगा दिसुम गोंवां बोंगा रोवो बोंगा तन।  
 मा बुरु बुरु बोंगा  
 देसाउलि मा बुरु  
 'हो' दिसुम हो को देरं सेबा सड़ा तन।  
 तरा को मेने एरा बोंगा  
 देसाउलि जिबोन जुड़ि  
 जएरा एरा मा बुरु मिअड बोंगा किज।  
 तरा को मेने बुरु बोंगा  
 तरा को मेने एरा बोंगा  
 मा-बुरु बुरु बोंगा गोअरि नुतुम लेन।  
 देसाउलि ओअः जपः  
 गोंवां गोअरि नुतुम जपः  
 देसाउलि मा-बुरु जोअर नुतुम लेन।  
 गोअरि तनाको जोअर तनाको  
 पोरोब पोनइ को सेबा तन  
 'हो' दिसुम हो को देरं सेबा जोअर तन।

[15]

नुतुम देरं बगिया बोंगा  
 कुला-जोम होमोहो रोवा  
 बुरु कोरे सोकोआ कोरेम ओअः दुअर जन।  
 ओअः कोअएते हटिया कोअएते  
 बुरु कोअएते लोंगोर कोअएते  
 बुरु कुला गोः मनोआ रोवा बगिया जन।  
 तोपा उखब बुरु रेगे  
 ससन अकाड़ा बेगर रेगे

रोवा देरं बगिया जन बुरु सोकाआ रे।  
 बिर-बुरु सोकोआ कोरे  
 दरु-जुम्बा लोंगोर कोर  
 जिड मनोआ रोवा देरं बोरो लिपिर तन।  
 कुला बलुको गोमके देरं  
 संइल सरम को गुसिया देरं  
 बिर जिलुको बिर बगिया बोंगा राजा लेन।  
 रोवा उम्बुल बोदोल् देरं  
 कुला सएका रूप देरं  
 एतोः देरं उरि: केड़ा को जि बलय तन।  
 किलि रेगे दुसिया तेगे  
 हगेया रेगे चिन्डा तेगे  
 बिर बगिया कुला देरं चिन्डा चिन्डेन तन।  
 तरा किलि को सेवा मे तन  
 तरा हगेया को सड़ा मे तन  
 एतोः देरं बोरोसो मुट्ठि मिसा को सेवाम तन।  
 सिन्दुरि तेको सेवामे तन  
 सुका सिम को बोंगा मैं तन  
 'हो' दिसुम संगर हो को सेवा तड़ाम तन।  
 बिर-बिरु सोकोआ लोर  
 नुहुम नुहुम बगिया लोर  
 'हो' दिसुम हो को देरं बगिया सेवा तन।

[16]

बिर-बुरु लोंगोर बोंगा  
 तरा को मेने गउ बोंगा  
 बिर-बुरु दसि बोंगा मेन्तेम उयि लेन;  
 कुला बलु बिर सुकुरि

सइल-सरम बिर जिलु  
 बिर बिरु गुपि दसि जतिम उमि लेन।  
 बोंगा दिसुम संगर हो को  
 बिर जिलु जोम हो को  
 एते: देरं गंजाए तेको सेबाम तन।

बुरु बुरु को नुतुम मिसेम  
 सोकोआ लौगोर को जगर मिसेम  
 बिर जिलु हया तेको सेबा सड़ाम तन।  
 बिर दिसुम बिर बोंगा को  
 कमि उमि नुतुम बोंगा को  
 बोंगा दिसुम बिर हो को सेबा-सड़ा तन।

[17]

बिर बुरु मगेया बोंगा  
 दसि चितिर मगेया बोंगा  
 बिर जिलु गुपि जोतोन मेन्तेको मेनेया।  
 बिर-बुरु रुतु बनम  
 अमगे देरं दुरड़ इनुड़  
 बिर जिलु गुपि-गुपि रुतु बनम तन।  
 रयों-रयों रुतु बनम  
 किड़ कोड़ बनम सड़ि  
 'हो' दिसुम मगेया को बिर को रुमुल लेड।  
 दमा दुमड़ तुड़ सड़ि  
 बिर-बुरु रुमुल सड़ि  
 पोरोब मुतिड़ कोड़ादि मुतिड़ तुड़ सड़ि गे।  
 बोंगा दिसुम हो को सेबा  
 पोरोब-पोनाइ नुतुम सेबा  
 बुरु मगेया बेड़ा मगेया नुतुम गोअरि तन।

मरं मगे सेबा सड़ा  
 हरमगे अरएडः गोअरि जगर  
 हेन्दे सिम मयोम तेको सेबा सड़ाम तन।  
 बा-पोरोब मगेया सेबा  
 दिउरि देरं नुतुम सेबा  
 बोंगा दिसुम हो को देरं मगेया सेबा तन।  
 खतु बनम सड़ि-जड़ि  
 बिर जिलु तुझ जुड़ि  
 बिर दिसुम हो को देरं मगेया सड़ा तन।  
 बिर दिसुम् बिर हो को  
 बिर जिलु ते असुल हो को  
 एते देरं संगर बोंगा को सेबा सड़ा तन।  
 तरा को मेने अःसर बोंगा  
 तरा को मेने आः बोंगा  
 एते देरं संगर बोंगा नुतुम अटिड लेन।  
 आः कुटि अः सर बोंगा  
 तरा को मेने संगर बोंगा  
 एते देरं संगर बोंगा नुतुम अटिड लेन।  
 तरा को मेने आः मालि बोंगा  
 अमो देरं संगर बोंगा  
 एते: देरं संगर बोंगा नुतुम अटिड लेन।  
 तरा को मेने दुअर हरि  
 अमो देरं संगर बोंगा  
 एते: देरं संगर बोंगा नुतुम अटिड लेन  
 तरा को मेने आन्दारिया पाट  
 अमो देरं संगर बोंगा  
 एते: देरं संगर बोंगा नुतुम अटिड लेन।

तरा को मेने नंगड़ा पाट  
 अमो देरं संगर बोंगा  
 एते: देरं संगर बोंगा नुतुम अटिड़ लेन।  
 बुरु संगर सेनोः तन रे  
 सिन्दुरि तुड़ गोअरि नुतुम  
 सर अः सर सिन्दुरि तुड़ः जिलु को बेटेड़ लेन।  
 दसि-चितिरा को हेन्दे पोबाए  
 बिर जिलु को बया पोबाए  
 सर अः सर तुज सा: असुल मरं लेन।  
 संगर मुतिड बिर जिलु  
 बिर हो को सरदि जिलु  
 बिर जिलु ते बिर हो को जिलु असुल मरं लेन।  
 सिम पड़ा सिम पाङु  
 अपिर तौरसा कति पाङु  
 एते: देरं संगर बोंगा जि रे: सा लेन।  
 बोरोसो तुन्डो हेन्दे सिम  
 जोरो मयोम नुतुम सिम  
 ‘हो’ दिसुम संगर बोंगा सेबा उमि लेन।

[19]

बिदा दिसुम मका-मका  
 बिदा-बुदि किलि-मिलि  
 बोंगा दिसुम देववां बिदा बिदा चोलोन लेन।  
 गुरु बोंगा को गुरु चुरुइ  
 मुनि बोंगा को देववां चुरुइ  
 ‘हो’ दिसुम दिकु बोंगा असारा सेटेर लेन।  
 नगे एरा नगा पाट  
 जोटो गुरु जोटो पाट

‘हो’ दिसुम गुरु बोंगा को गुरु को सेवा तन।  
 उपन एरा उपन गुरु को  
 तुलसा गुरु तुलसा पाट  
 ‘हो’ दिसुम गुरु बोंगा को गुरु को सेवा तन।  
 हनुमान बिर, पवन बिर  
 अंगाइ बिर, सोलासो बिर  
 ‘हो’ दिसुम गुरु बोंगा को गुरु को सेवा तन।  
 रोतोन बुरु मुनिको देरं  
 बले बुरु मुनिको देरं  
 ‘हो’ दिसुम मुनिको बोंगा गुरु को सेवा तन।  
 झुमुइ बुरु मुनिको देरं  
 दोलमा बुरु मुनिको देरं  
 ‘हो’ दिसुम मुनिको बोंगा बुरु को सेवा तन।  
 चरि बुरु मुनिको देरं  
 सिंगासो मुनिको देरं  
 ‘हो’ दिसुम मुनिको बोंगा गुरु को सेवा तन।  
 देववां को गे सेवा तन  
 सोका कोगे सड़ा तन  
 मुनि बिदा एतोन तेको सेवा सड़ा तन।  
 जो-बा तोवा तबेन  
 गुड गोतोम तोवा मिटाइ  
 मुनि बिदा एतोन तेको सेवा सड़ा तन।  
 ओए को तेको सेवा तन  
 कोड़ोको तेको सड़ा तन  
 मुनि बिदा एतोन तेको सेवा सड़ा तन।  
 नरियल तेको सेवा तन  
 सिन्दुरि तेको सड़ा तन

गुरु विदा एतोन तेको सेबा सड़ा तन।  
 मयोम मयोम तिरपि पसिर  
 सिम मयोम हिरचि पसिर  
 बोरोसो मुन्डि चुरुद्द रेको सेबा सड़ा तन।  
 हो दिसुम गुरु बोंगा को  
 बिर दिसुम विदा किलि  
 बोंगा कोते विदा कोते दिसुम पेरेः कन।  
 हो दिसुम चिमिन सरि  
 बिर दिसुम चिमिन सरि  
 'हो' दिसुम बोंगा को अम नेल पंजा लेम।  
 बोंगा कोते पेरेः दिसुम  
 विदा कोते सिंगर दिसुम  
 'हो' दिसुम बोंगा कोरे बोंगा मिसेन मे।  
 जोअर जोअर बिर दिसुम  
 जोअर जोअर हो दिसुम  
 सिरजोन दिसुम बर दिसुम सिरजोन पेरेः कन।

---o---o---o---

### बिडदा-एरा

अबेन नुतुम बिडदा एरा  
 बुदि एरा गेयन एरा  
 जोअर-जोअर बिडा एरा जोअर तेलए बेन॥

नुतुम अबैन बिडदा एरा  
 सएका तबैन सपा निरल  
 एते: देरं लिपि-लिपिर अबेन नुतुम गे॥  
 एतो तज में सेबा अमः  
 सएका तबैन तन्ना-तन्ना  
 एते: देरं होयो लिपिर अबेन नुतुम गे॥  
 सएका तबैन तन्ना रेयो  
 नुतुम तबैन बेना रेयो  
 अज जिबोन मोनदिल कोरे सेटेर लेनो: बेन॥  
 होडोमो मिन्डो जुगि तन  
 जिबोन मिन्डो मोनदिल तन।  
 निदा सिंगिज सेबा बेन होडोमो मोनदिल रे॥  
 गोअरि तनज अबेन नुतुम  
 विनती तनज अबेन सुबा  
 कज एतोए अबेन सेबा विनती तेलए बेन॥  
 सिंगर तजमे बिडदा तेरे  
 मरसल तजमे गेयन तेरे  
 होमोहो जिबोन सिंगर तजमे सहजो बिडदातो॥  
 अज उद्धु: पुरा लेबेन  
 दुकु जिबोन सुकु लेबेन  
 कोंडो-बाड़ा पुटाओ लेबेन दिसुम बगन रे॥  
 नेनागे तज विनती मा  
 हेन्दे जिबोन मरसल तबेन  
 जोअर जोअर बिडदा एरा जोअर तेलए बेन॥

### सिङ्गबोंगा

सिरमा रे सिङ्गबोंगा  
 ओते दिसुम गोमके  
 होयो लेका सएका  
 दः लेका सपा  
 दख-दिरि रे अम  
 जियु जोन्तु रे सम  
 नेल उरुम बनोः अले  
 होयो लेका सएका अम॥  
 ए सिङ्गबोंगा  
 जोअर तनाले  
 विनती तनाले  
 गोअरि तनाले  
 जिउ जोन्तु तन  
 मनोआ तन  
 अयुम लेमे  
 तेला लेमे  
 सिरमा रेन सिङ्गबोंगा  
 ओते दिसुम गोमके  
 एंगा अपु अमगे तन॥  
 नुतुम अमः तना-तना  
 सएका अमः बेन्ना-बेन्ना  
 हो मुन्डा तेदो सिङ्गबोंगा  
 दिक्कु बंगली तेदो ईश्वर  
 मुसुलमान तेदो अल्लाह  
 अंगरेजी तेदो गोड़

को मेता वेना॥

सेबा बिदा किसिम-किसिम

सड़ा बुदि किलि मिलि

ए सिंडबौंगा

सेबा तनाले

सड़ा तनाले

हो, मुन्डा, सताड़ा खड़िया

उरं, विरहोड़ो गोड़ खासी

नागा, झील धार, सदान

हिन्दू, मुसलमान किसतान

अंगरेज को मेन लेका॥

अमः होन्को अमः सिटिया को

अमः जिउको अमः जोन्तु को

जोअर तना ले

नेयोर तना ले

मोन जिबोन ते

रासिका जि ते

सिम मोरोम भिन्डि सुकुरि ते

कोड़ो पराए जियु-जोन्तु ते

टिका-सिन्दुरि दुँड़ा अगोरबति ते

अरोआ चउलि ससंड गुन्डा मानि जं ते

बा-जो कोते

सरजोम रुड़ पत्ह कोरो॥

दिन मुन्डि

बोचोर मुन्डि

गोअरि तना ले

अरदास तना ले  
 ओआः रे रचा रे, बुर रे, गड़ा रे  
 दिरि रे, दस रे, दः रे, डिपि रे  
 मोनदिल रे, मसजिद्द रे; गिरिजा रे  
 सेतः सिंगि, निदा-नुबः सोमए कोरे।  
 मोन जिबोन सुकु लगिड  
 हसु दुकु नतोम लगिड  
 हसु दुकु नतोम लगिड  
 होमोहो जिबोन सपा लगिड  
 ओआः दुअर सुगड़ा लगिड  
 बबा-बिति होबन लगिड  
 टका-पोएसा सार लगिड  
 दः गमा सेटेरेन लगिड  
 होन गंडा होबन लगिड  
 लोको लोचोमि नितिर लगिड  
 मोन उडुः पुरन लगिड।  
 मनोआ होन को  
 जियु-जोन्तु को  
 होरो तलेम  
 जंगि तलेम  
 चतोम तलेम उम्बुल तलेम  
 बिर रे, बुर रे  
 गड़ा रे, इकिर रे  
 रोगो रे, जुगिका रे  
 हसु रे, दुकु रे  
 लंगड़ा रे, लुला रे

अंदा रे, बइरे रे॥  
 होको तः एते  
 बोंगा को तः एते  
 जुगुनिको तः एते  
 कुलेको तः एते  
 बलुको तः एते  
 बिडंग तः एते  
 मरमरको तः एते  
 अरदुः तलेम बनघओ तलेम  
 होरो तलेम, जंगि तलेम  
 उम्बुल तलेम चतोम तलेम  
 सिडबोंगा॥।  
 उरुम तलेम लेका तलेम  
 गन्डा तलेम, केजा तलेम  
 लुकु हडम होन, लुकुमि बुड़ि होन  
 पिलचु हडम होन पिलचु बुड़ि होन  
 लुटुकम हडम, लुटुकम बुड़ि  
 अदम हडम होन, हब्बा बुड़ि होन  
 मुनु कड़ो रे, दः दिसुम रे  
 बिर दरू, बिर तसड करे  
 मनोआ जियु जोन्तु उपन-जपन करे  
 लेन्डकिंज जोम बुरू रे  
 कहकोम लोटोड जाम्बु डिपा रे  
 जोनोम लेन, मरं लेन मरं बुरू  
 उपन लेन, पोसा लेन लुकु  
 रो-हसा रे, अदम बगन रे

दरु लेन मरं लेन हब्बा  
इया दोरेया तला, इया बन्देला तला  
एन होन्को, एन जिउ को  
नितिर लेन पसिर लेन  
तड़ए बा दिसुम रे  
होरो तलेमे  
जंगि तलेमे  
केजा तलेमे  
सिड्बोंगा॥



### गोअरि

मा गोरोब रज तइ केन  
 अरे चन्दुः अज तइ लेन  
 सिडबोंगा देयन ते बुगिज तइ केन॥  
 चिल्का जिबोन नज नम केड  
 सिडबोंगा दोयन एदोने  
 सिडबोंगा देयन एदोज रिड चबा केड॥।  
 निमिन मनोआ मुरुकु मेनज  
 कगेज सेंया जनागो राम  
 अमः कटा सुबा रेज जोअर जोबोन तन॥  
 सिडबोंगा होयो गो जिबोन  
 होते एरा हसा गो मरुतु  
 होन गो मेन्ते सिडबोंगा नेला कनतिज मे॥।  
 गड़ा गो कुटि रे दुबे कन्ते  
 राम कजि तना गो सिते  
 चिगो सिते गड़ा गो रेचिम नोड़ा गो इनुड़ तन?  
 बाड़ा गो बुटा रे दुबे कन्ते  
 राम कजि गो तना गो सिते  
 चिगो सिते बाड़ा गेचिम गोड़े गो इनुड़ तन?  
 पत्थड़ा बितर रेगेचि सितेम होनोर इनुड़ तन॥।  
 बुरु गो रेदो तुडुको लो तन  
 नेल गो लिड एबेनचि राम  
 नेल गो लिड एबेनचि राम पेरेम श्री सोते गे॥।  
 सेबाज एमा मेया गो राम

बा जो सिन्दुरि तेगे  
तङ्गि गो रेज सेबाम राम जोअर तेलए मे॥  
नेन गो देयन देयन पुरे  
नेन गो सेबा सेबा पुरे  
अः ए चतोम उम्बुल तेगे: चतोम उम्बुल बु॥  
नेन गो देयन अड केरे  
नेन गो सेबा रिड केरे  
नेलेका सेंया जिबोन मनोआ करेम नमे या।  
उडुः गो लेम जिबोन कोरे  
केअल गो लेम मोन कोरे  
नेलेका सेंया जिबोन मनोआ करेम नमेया॥  
गोअरि तनब गोअरि तेला एम  
जोअर तनब जोअर तेला एम  
सनं जिबोन जोअर तनब जोअर तेला एम॥

---o---o---o---

### जोअर तेला लेम

होयो दः रे सिंडबोंगा  
 हतु बोंगा अपु बोंगा  
 जोड़ा तिड़ि पन्ति जोअर तेला तलिड मे॥  
 दिरि दरू रे सिंडबोंगा  
 हतु बोंगा अपु एंगा  
 जोड़ा तिड़ि पन्ति जोअर तेला तलिड मे॥  
 जिउ-जोन्तु रे सिंडबोंगा  
 हतु-बोंगा अपु एंगा  
 जोड़ा तिड़ि पन्ति जोअर तेला तलिड मे॥  
 होयो दः दिरि-दरू  
 जियु जोन्तु उपन जपन  
 सृष्टि-सिरजोन सिरजोन जोअर तेला तलिड मे॥  
 बबा-बिति लोको लोचोमि  
 होरो जंगि दुकु-सुकु  
 दुकु-सुकु चतोम उम्बुल तेला तलिड मे॥  
 नुतुमा कनम किलिमिलि  
 पेरे: अ कनम सिरजोन तिड़ि  
 सहजो सिंगर दिसुम जोअर तेला तलिड मे॥  
 एंगा अपुको कुल तडिज  
 बिडदा एतो निमिन संगिन  
 मुर्स्कु हेन्दे नुबः रेगेव जोअर नेयोर तन॥।  
 ओल-पड़ाओ संगेन तमे  
 बिडदा-बति जुल तमे  
 तिड़ि पन्ति जोअर तेला तेला तलिड मे॥।

व्हरोत दिसुम कोन कोन  
 जति-जतिम नुतुमा कन  
 किलिमिलि बेन्ना-बेन्ना जोअर सतिया कन॥  
 जएरा बुटा दनं उम्बुल  
 बरु गड़ा उकु दनं  
 होकोन रेमा जोअर तेला तेला तलिङ मे॥  
 जोअर तनब जोअर तेलएम  
 गोअरि तनब जोअर तेलएम  
 सिंगि चन्दुः तुरोः नसुर जोअर तेलएम

---०---०---०---

## ऐंगे: होन जोअर तेला लेम

रंगे: रेगे: एञ्च गोअरि तन  
 लइ: रेंगे: एञ्च नेओर तन  
 रेगे: रबं होन जोअर जोअर तेला लेम॥  
 द: तेतें लपं-लपं  
 लइ: रेंगे: ज जं  
 रेगे: रबं होन जोअर जोअर तेला लेम॥  
 चच: लिज: नुतुम होमोहो  
 चम्पल जुता कटा बनोः  
 रेगे: रबं होन जोअर जोअर तेला लेम॥  
 अम सेबा लगिड सिडबोंगा  
 निदे-सिंगि मनोआ होन्को  
 अम सेबा लगिड तेको सेटेर उजुः तन॥।  
 अम सेबा लगिड सिडबोंगा  
 बाड़ा-लेकन तड़ि कोरे  
 बा जो टिका-सिन्दुरि को अगुअम तन॥।  
 रांसा तेको पझरा कन  
 रसिका तेको पेरे: कन  
 अम सेबा लगिड मोनदिल रेको सेटेरा कन॥।  
 सेबा को एमा मेया सिडबोंगा  
 बा जो सिन्दुरि कोते  
 बाड़ा लेकन तड़ि कोरे सेबा को एमामे॥।  
 अज सिन्दुरि बनोः रेयो  
 अम सेबा लगिड सिडबोंगा

बा-जो सिन्दुरि जकेड अज बनोः जन॥  
 बा-जो सिन्दुरि बनोः रेयो  
 अज रेगेः रेगेः रेयो  
 अम सेबा मोनदिल रेज सेटेराः कन॥  
 दुप दुङ्गा बनोः रेयो  
 टिके सिन्दुरि बनोः रेयो  
 अज सेटेर अम सेबा कटा सुबा रे॥  
 अम हिसिर लगिड सिडबोगा  
 बाडा रेयः हिसिर जकेड  
 बाडा रेयः हिसिर जकेड अज बनोः जन॥  
 कज एतोए अम सेबा  
 उरुम बनोः सेबा बिडदा  
 चिकज सेबा मेया सिडबोंगा एतोगे बनोः जन॥  
 मोन रेयः जिबोन दुकु  
 चिकज जगर अम सुबा  
 एतोगे बनोः दुकु जगर अम सुबा रे ?  
 एमम बिति बनोः जन  
 उडुः जिबोन चिनज चिकए  
 समा तिगे अज सेटेर अम सेबा ते॥  
 सेबा रेयः गेयन बनोः  
 निमिन मरं दिसुम कोरे  
 कुमुते रेयो अम सेबा एतो तज मे॥  
 सेबा ओडोः सेबा मनोआ  
 दोन ओन्डोः बबा बिति  
 अज गे सोम जा होन मे दोन बिति दो॥  
 अम सेबा लगिड सिडबोंगा

दः लेकज तेतं तन  
 जिबोन तेतं पेरेम सेबा तेला गो लेमे॥  
 हसा रेयः होड़ोमो दुकु  
 अतोम लेमे अज दुकु  
 होड़ोमो दुकु अतोम लेमे तज सिंडबोंगा  
 अम कटा सुबा रेज  
 होबोर जोअर गोअरि तन  
 अम सन्न मेनः रेवो जोअर तेलए मे॥  
 एतो केरेज अम सेबा  
 मरसल जन रे हेन्दे मोलोड  
 तड़ि रेज सेबा मे सिंडबोंगा जोअर तेला लेम॥  
 रेगः रबं होन जोअर  
 मुरुकु सिटिया गोअरि जोअर  
 तेला लेमे सिंडबोंगा गोअरि जोअर दो॥  
 रेगः रेगः एज गोअरि तन  
 गेयन बनोः एज गोअरि तन  
 रेगः रबं होन जोअर तेला संगोम लेम॥

----o---o---o---

## अम सेबागे

अमगे अजः सिंहबोंगा  
 गोअरि अम कटा सुबा  
 मेनः जिबोन जकेड जुड़िज अम सेबागे॥  
 अमगे अजः जिबोन जुड़िज  
 अज अमः सेसेन गतिज  
 अम करे जिबोन जुड़िज चिकज तइना?  
 अज जिबोन मोनदिल ओअः  
 सेबा मेअज होमोहो ओअः  
 अज जिबोन मोनदिल कोरेज सेबा सड़ा मे॥  
 सेबा मेयज दिन जोरोड़  
 सड़ा मेअज जोरोड़ सितुड़  
 पुटाओ बाड़ा जिबोन कोरेज सति मिसा मे॥  
 दिसुम रेयः चलोन दुस्तुर  
 लुकु लुक्षुमि होरा नोतोर  
 सेबा चोनोल बुटा कोरेज गोअरि नुतुम मे॥  
 चोनोल रोवा बोदोल रेयो  
 अलं जगर तइन मरसल  
 अज अम जिबोन जुड़िज बोरोसो तइनचा॥।  
 एसु दुकु अज जिबोन  
 दुकु रेयो सुकु जिबोन  
 बलोः जिबोन सेबा जिबोन पेरेम जिबोन रे॥।  
 पेरेम एतेज लेयोन मिसेन  
 रसिका एतेज जोकोन मिसेन

बले: पेरेम उम्बुल रेज जुड़ि मिसे मे॥  
 सिंगि मरसल बले: जेटे  
 पुटाओ बाड़ा बले: तेते:  
 बले: जिबोन सिंगि मरसल अम उडु: गे॥  
 सिंगि मरसल जोरोड जकेड  
 चन्दु: तेते: सितुड जकेड  
 ओते दिसुम तइन जकेड जुडि तइन चा॥  
 अज रचा ओअ: कोरे  
 तुडसी दरू डिपि कोरे  
 सेत: अयुब सिडबोंगा जोअर जोकोन मे॥  
 अज एगे ओअ: रचा  
 अज एगे डिपि मोचोड  
 जोरोड सितुड जकेड जुडिन अम सेवा गे॥  
 रबं चन्दु: दिन लेका  
 तेते: चन्दु: सोमए लेका  
 अम जिबोन रांसा रसिका सबेन चन्दु: रे॥  
 सिडबोंगा गोअरि जिबोन  
 अयुम लेमे नेयोर जिबोन  
 अज पेरेम जिबोन बगन होरो जंगि लेम॥

---○---○---○---

### सिंडबोंगा होरा उदुबा लेम

जोनोम केन सिडबोंगा  
 उपन केन सिडबोंगा  
 जोनोम दिसुम सेसेन होरा होरा उदुबा लेम॥  
 जोनोम केन सिडबोंगा  
 उपन केन सिडबोंगा  
 उपन दिसुम सेसेन होरा होरा जगरा लेम॥  
 होरा नेनेल मेमेड बनोः  
 हटिया सेसन गेयन बनोः  
 जोनोम उपन अम होन्को होरा उदुबा लेम॥  
 अले मर्लकु सिटिया को  
 सेंया औरि नमे होन को  
 सेंया गेअन बनोः तले गेयन एमा लेम॥  
 दिसुम होरा हेन्दे नुबः  
 सेसेन होरा जुनुम चोगाः  
 अम जोनोम उपन सिटिया को मरसल उदुबा लेम॥  
 बरिया तिड़ि-पन्ति केएते  
 गोअरि तनाले अम तः रे  
 बिड़दा रेयः मरसल सेंगेल अले एमा लेम॥  
 सिंगि जेटे मरसल लेका  
 चन्डः तेते ए तरल लेका  
 मरसल तरल होरा सेसेन एतो तलेम॥  
 ओल पड़ाओ एतोए चले  
 बिदडा गेयन सारोः चले  
 नेया गे तले गोअरि बिनती गेयन एमा लेम॥

## सिडबोंगा नेला कनतेलेम्

सिरमा रेन सिडबोंगा  
 होन्को मेन्ते सिडबोंगा  
 होन्को मेन्ते सिडबोंगा नेला कनतेलेम॥  
 हसु-दुकु होबन कोरे  
 रेबे: रबं सेटेर कोरे  
 होन्को मेन्ते सिडबोंगा नेला कनतेलेम॥  
 ओते दिसुम ओते एरा  
 होन्को मेन्ते ओते एरा  
 होन्को मेन्ते ओते एरा नेला कनतेलेम॥  
 ओते दिसुम करब कोरे  
 विर बुरु जलोम कोरे  
 होन्को मेन्ते ओते एरा नेला कनतेलेम॥  
 दः गमा सेटेर लेबेन  
 बबा विति सा लेबेन  
 होन्को मेन्ते सिडबोंगा नेला कनतेलेम॥  
 सिरमा रे सिडबोंगा  
 ओते दिसुम ओते एरा  
 अमः कटा सुबा रेले जोअर जोबोन तन॥  
 अमगे एंगा अमगे अपु  
 अमः कटा सुबा रेले  
 अमः कटा सुबा रेले जोअर जोबोन तन॥  
 सिरमा रेन सिडबोंगा  
 दिसुम मरसत होरा कोरे  
 दिसुम मरसल होरा कोरे अलोम बगे ले॥  
 ओते दिसुम ओते एरा  
 मनोवा सेंया होरा कोरे  
 मनोवा सेंया होरा कोरे अलोम बगे ले॥  
 होरो तलेम जंगि तलेम  
 अम जोनोम सिटिया होन्को  
 दिसुम बगन सेसन होरा रे होरा जंगि तलेम॥

### तुडसि दरू

तुडसि तुडसि सबेको मेने  
 तुडसि दरू उम्बुल एरे  
 सिडबोंगा तुर लेन तुडसि बुटा रे॥  
 ओअः रचा पचा कोरे  
 डिपि मोचोड मलिन्दा कोरे  
 हो-जति नेपेल उपरूम तुडसि बुटा रे॥  
 तुडसि दिसुम तुडसि एते  
 हो दिसुम तुडसि रेगे  
 तडए दिसुम तुडसि तला रे तुडसि जोनोम लेन॥  
 ओल तोपोल बनोः सकम  
 उरूम सुपुम डिपि मोचोड  
 हो दिसुम हो जति सेबा सड़ा तन॥  
 होयो दः विसिड जिबोन  
 तुडसि दरू सपा जिबोन  
 जति दोरोम सेया होमोहो अयर सेटेर लेन॥  
 उदुब मरसल जगर केड  
 दिसुम गोटम उमि केड  
 तुडसि बुटा रे जोअर रेमे सुकुम नमेया॥  
 अम दोरोम कटा सुबा  
 एटः दोरोम जोनोम सुबा  
 वेद पुराण जकेड रेको ओल नितिर केड॥  
 जुङि किः एम दोरोम तुडसि  
 पुयुर केनाको जति तुडसि  
 अम जति दोरोम रेको सेया गेअन केन।  
 हो दिसुम दोरोम तुडसि  
 दरू बुटा उम्बुल तुडसि  
 जोरोड काडो जकेड तुडसि गेयन एमा कोम

दिसुम दोरोम चबा सबे  
 हेन्दे नुबः दिसुम सबे  
 हो दिसुम हो दोरोम मरसल तडिन गे॥  
 जुउगु जोरोड सोरोड तुडसि  
 होरो जंगि जिबोन तुडसि  
 हसा-डिपि मोचोड कोचोड तुडसि सेबा गे।  
 जोअर जोअर तुडसि  
 तुडसि बुटा रे दोरोम तबु  
 निदा-सिंगि बु जोअर रेया तुडसि बुटा रे।  
 दः तेबु तिरपि ले तुडसि  
 सिन्दरि तेबु टिकाले तुडसि  
 जोरोड जुउगु डिपि मोचोड तुडसि बुटा रे।  
 तुडसि दरू सोडन मुतुड  
 जोम तोरोड निर मुतुड  
 बले: सकम रेड रनु मनोवा जिबोन रे॥  
 मुतुड सोअन रेया होयो  
 जिबोन रांसा सेतः होयो  
 दिसुम दिसुम मुतुड सोअन सेतः होयो रे॥  
 हो दिसुम हो होन्को  
 चिनब चिप्पिनब कोल होन्को  
 तुडसि बुटा जगर नेया जगर तेलए मे॥  
 कोडः बाबु जगर तन  
 कोडः बाबु गोअरि तन  
 तुडसि बुटा जगर नेया जगर तेलए मे॥

----○---○---○---

होए को लेका अलोम पासेज  
 हइको लेका अलोम जलोमेज  
 निरल तरल अज जिबोन जलोम मिसए तन॥  
 डिन्डा बाड़ा पुटाओ सोअन  
 पेरेम रसि तिरपि पसिर  
 निरल तरल अज जिबोन पिरति मिसए तन॥  
 निरल जिबोन निरल होमोहो  
 बले: मोन पकोड़ो होमोहो  
 निरल तरल अज जिबोन सनं मिसए तन॥  
 दिसुम होराज सेसेन लेनो:  
 मनोआ सेवाज एतो लेनो:  
 निरल तरल अज जिबोन सेसेन मिसए तन॥  
 बिडदा गेयन मरसल लेया  
 दिसुम गोटा रुमुल लेया  
 निरल तरल अज जिबोन मरसल उमि ले॥  
 उरुम-उपरुम जगर लेया  
 चिनब-चिप्पनब नितिर लेया  
 निरल तरल अज जिबोन जगर उमि ले॥  
 जिबोन उडुः पुरा लेया  
 मोन केयल रिका लेया  
 निरल तरल अज जिबोन उडुः उमि ले॥  
 होयो लेका सादिन जिबोन  
 दः लेका निरल जिबोन  
 निरल तरल अज जिबोन सादिन उमि ले॥  
 अटल बाड़ा तरल-तरल  
 अज जिबोन निरल तरल

निरल तरल अज जिबोन निरल उमि ले॥  
 उडुः लेमे अमो सरि  
 नेल लेमे निरल सरि  
 निरल तरल अज जिबोन चिमिन निरला?  
 सिंगबोंगा हया तन  
 बोंगा बुरु को उडुः तन  
 निरल तरल कोड़ाः जिबोन चिमिन निरला ?  
 इकिर तकिज निकिर निकिर  
 बुटा तकिज बितर तकिर  
 निरल तरल कोड़ाः जिबोन चिमिन इकिरा ?  
 उडुः इम् निरल सरि  
 नेल लेम निरल सरि  
 निरल तरल कोड़ाः जिबोन सरिगे निरला॥  
 निरल जिबोन निरल निरल  
 तरल जिबोन तरल तरल  
 निरल तरल निरल जिबोन निरल मिसन मे॥

---o---o---o---o---

## दोरोम तबु बुहांल तन

**(क)**

सिरजोन बुटा हो गे तन  
 दोरोम बुटा अमगे तन  
 तरल निरल रिला मला दोरोम एंगा तम॥  
 लुकु बुरु रे हो सिरजोन  
 लुकुमि गड़ा रे दोरोम सिरजोन  
 लुकु-लुकुमि जोनोम सेतेड़ दोरोम जोतोन लेन॥  
 ससड गुन्डा पंजा-पुंजि  
 जोनोम आंदि गोःए पंजा  
 एते: देरं हो को विसुंम ससड चौलोन लेन॥  
 नगे एरा लोगोर लोगोर  
 बिन्दी एरां बोकोर-नोकोर  
 एते: देरं ससडः गुन्डा किज नम कोजर तना॥  
 अदोवा चउलि पंजा पुंजि  
 बोंगा सिम किज लमः लुमःइ  
 अदोवा-चउलि असारा तिकिज लमः लुमः अ॥  
 सरजोम संगेन लिपिर-लिपिर  
 सरजोम बाड़ा तरल-तरल  
 सरजोम बुरु सुकन बुरु सरजोम लेयोन लेन॥  
 लेसे लेसे लेसे केन  
 बाड़ा देरं गेसे केन  
 मिख गोले जएरा दुरं बोले केन बोले केन  
 कोरकोटा बुरु रे कोरकटा पत्ह  
 अटल तरल कोरकोटा पत्ह  
 एते: देरं डियड़ ताबेन को असेन तन ते॥

ओतोरोड बुरु रे ओतोरोड नइ  
 लेर लबेर ओतोरोड नइ  
 अटु पटु चटु पटु रोवा दबोन ते॥  
 तोरोः ए देरं एर पसिर  
 मेड टे: ए दः पसिर  
 आदिड ओआः रोवा देरं को गति जुडि तन॥  
 सिटिया-बिटिया सर अःसर  
 ओआः मुतिड कातु कपि  
 दोरोम-चोलोन ओआः कोचा सर सिदुब लेन॥  
 सुसुन अकाडा सुसुन दुरं  
 रुतु बनम रेयों-रेयों  
 एते: देरं कोवा कुइ गपाति सुसुन तन॥  
 बोंगा बुरु को सुसुन इनुड  
 नगे एरा को दुरं इनुड  
 बिर बुरु दिसुम अकाडा रेको ज्यागर इनुड तन॥  
 दोरोम चोलोन एसु सुगड  
 हो जति नुतुम सुगड  
 हो बुटा रे सकोवां सुडि तुड़ रमुल तन॥  
 एंगा गोरोब जोनोम बुटा  
 दोरोम जोनोम एंगा बुटा  
 दोरोम एंगा बुटा रेगे उम्बुल सेयन तन॥  
 रुड बुरु रे रुड पत्ह  
 दलोब-दपल रुड पत्ह  
 लमः पोटोः ए रुड पत्ह पुंजि-पंजा गे॥  
 तिरिल डन्डा टकब-टुकुब  
 बोंगा-बुरु को तमड-तुमुड

पंजा नम गन्डा नम बुनुम बुटा रे॥  
 दुङ्गः मोः दुं दुं  
 मुतुड सोअन नुड नुड  
 मोः सोअन बोंगा-बुर्ल को रसिका इनुड तन॥  
 ससन दिरि दपल रोवा  
 रोवा सेबा चउलि रसि  
 एते: देरं हो दिसुम रोवा को सेबा तन॥  
 ससन दिरि पंजा नेया  
 बिड दिरि पंजा नेया  
 हो जति उर्लम नेया दोरोम चोलोन लेन॥  
 पोरोब पोनइ उडुः रोवा  
 डियड मन्ड एम दरोम  
 अदिड ओआः कोचा रेगेको सेबा सडाम तन॥  
 बोंगा रम्बा उतु चिरे  
 चउलि मता रसि चिरे  
 जोम नु ते बोंगा-बुर्ल को सेटेर बेटा लेन॥  
 सर अःसर सः सः  
 कातु कापि बिरला बल  
 एते: देरं हो दिसुम को संगर जिलु तन॥  
 नमा सिटिया जोनोम पिरिति  
 सर बिड बोः चुटि  
 हो दिसुम सर बिड सिटिया सिंगर ते॥

(ख)

हो को दिसुम रसिका देरं  
 बोंगा को दिसुम कचिया देरं  
 एते देरं दोरोम सिरजोन हो को दिसुम रे॥

दोरोम देरं पितिड लेन  
 चौलोन देरं चौलं लेन  
 अइया दोरेया दोंसि बुरु दोरोम पितिड लेन॥  
 ससड़ गुन्डा बगे तएते  
 अदोवा चउलि बगे तएते  
 गोतोम सुनुम बोंगा चौलोन बोंगा एतोन तन॥  
 दुंडा मोः बगे तएते  
 अगोरबति जुल तएते  
 एतेः देरं चौलोन बिडदा तयोम अतु तन॥  
 ससन दिरि दपल रोवा  
 नम कोजर बनोः रोवा  
 एतेः देरं होयो रेगे अपिर बियुर तन।  
 सुसन अकाड़ा बगे तएते  
 खतु बनम तयोम तएते  
 एतेः देरं हेन्दे ओआः उम्बुल लम रसिका तन।  
 सर अःसर बगे तएते  
 कातु कापि तयोम तएते  
 एतेः देरं बुन्दुकु गोलिम असारा तन॥  
 गन्टि ओआः टं टिड तन  
 विनती ओआः जन जिन तन  
 बोंगा ओआः बगे तएतेम जोकोन जुड़िन तन॥  
 एंगा बगेम सेनोः तन  
 अपु बगेम मन्डाए तन  
 सिरजोन बुटा बोंगा दिसुम बगेया तु तन॥  
 एंगम देरं रःगे कोजर  
 अपुम देरं नम गे कोजर

सिरजोन बुटा बोंगा गड़ा रे नम कोजर तन॥  
 मिसा गो रेयो जगर रुआइम  
 मिसा गो रेआ दुरं रुआइम  
 जोनोम एंगा जगर तन जगर रुआइमे॥

## (ग)

दिकु दोरोम नितिर तन  
 यीशु दोरोम पासिर तन  
 जोनोम दिसुम कोन कोन दोरोम नितिर तन॥  
 अम दोरोम बुहांल तन  
 अम दोरोम मिडेन तन  
 दिकु यीशु दोरोम गड़ा रे बुहांल मिडेन तन॥  
 मोनदिल ओअः मुरुतु सेवा  
 गिरजा ओअः बिनती सड़ि  
 दिकु यीयु जोकोन रेगेम जोकोन मिसन तन॥  
 डिपि मोचाड बगे तएते  
 बोंगा बुख बगे तएते  
 बुटा दोरोम बगे तएतेम गतिन मिसन तन॥  
 बोंगा होन्को रः गेरं  
 नगे होन्को रः गेरं  
 जोनोम दिसुम सिरजोन एंगा रः गे गेरं तन॥  
 जोनोम एंगा जोनोम अपु  
 सिरजोन एंगा जोनोम अपु  
 जोनोम एंगा बगे तएते ओकोए अम एंगा तन ?

## (घ)

दिरि रे दरु ओमोन जन  
 दः रे हइ डोबोल जन

ओते रे दरू बगे तएते दिरि रे दरू जन॥  
 कोतो कोतोम चलेन तन  
 डालि-डालिम मेसेन तन  
 एंगा बुटा बगे तएते कोतो रेम चलेन तन॥  
 पेरेम चन्दुः बेटा लेन  
 बुरु दरू संगेन लेन  
 कोते रे बाड़ा बगे तएते डालि रे बाड़ा जन॥  
 जोनोम एंगा बगे तएते  
 सिटिया अपु बग तएते  
 एते: देरं कुपुल एरा एंगम मेता तन॥

(ङ)

दिकु जति होरो जंगि  
 यीशु जति रका-चका  
 अपन-अपन दोरोम जोतोन सबेन जति रे॥  
 अमो सरि होरो लेम  
 अमो सरि रका लेम  
 एगम अपुम सिरजोन दोरोम रका-चका लेम॥  
 सबेन दोरोम बुगिन गेया  
 मनोआ बलइ नुहुम गेया  
 बुटा दोरोम उरुम जोममे जोनोम दिसुम रे॥  
 ततम-जियम सिरजोन लेड  
 एंगम-अपुम जोतोन लेड  
 हगम मयोम दोरोम सिरजोन होरो जंगि लेम॥  
 लुकु हडम रोवा लेड  
 लुकुमि बुडि जोतोन लेड  
 इन्डिका दिसुम लुकु बरू दोरोम सिरजोन लेम॥

लुकु तताअः हिते पुंजि  
 लुकुभि जियडः दोन बिति  
 होते-हसा लेका दोरोम जोतोन जोम मे॥  
 हिते पंजि होरो जोम मे  
 दः मयोम चिने जोम मे  
 बुटा दोरोम बुहांल तन तेला जोम मे॥  
 कोड़ाः बाबु जगर नेया  
 उखम जोममे हगम दोरोम  
 बुटा दोरोम बुहांल तन तेला जोम मे॥

---○---○---○---

## जति मान चबा तन

(क)

लुकु हड़म होन्को अबु  
 लुकुभि बुड़ि होन्को अबु  
 होयो दः लेका तबु जति सिरजोन लेन।।  
 तरल निरल होन्को अबु  
 रिला मला जति तबु  
 लुकु लुकुभि होन्को देरं हगा बु हटिड़ लेन।।  
 दिन-दिनु बु संगि लेन  
 विर-बुरु बु तसि लेन  
 हो- दिसुम जएरा होन्को जति बु नितिर लेन।।  
 हो मुन्डा संताडा जति  
 अटि कुटि: बु अड़ि लेन  
 एते: देरं जति किलि बु अटिड़ नुतुम लेन।।  
 विर बुरु हतु बसा  
 गिति: इ चप्पारा हसा-मुतुल  
 एते: देरं विर तोन्डड़ को हटिड़ नितिर लेन।।  
 सांगा हसेड जोम मरं  
 डन्हु दः नु मरं  
 एते: देर चउलि रसि को नु मरं लेन।।

(ख)

बोंगा बुरु को सेबा केन  
 सिरजोन बुटा को जोअर केन  
 एते: देरं जति-जति को जोअर अटिड़ केन।।  
 सिम मेरोम मयोड़ देरं  
 चउलि रसि तिरपि देरं  
 दुङ्डा भोः सोअन देरं को बोंगा एतो केन।।  
 सुन दुरं अकाड़ा सिंगर  
 रुतु बनम तुड़ सिंगर  
 विर होन्को उंगुड़ जुकुड़ जोकोन इनुड़ केन।।

जोड़ा तिड़ि पन्ति जोअर  
 उमि केडम नुहुम जोअर  
 जोगोम अरा रांसा उम्बुल उम्बुलम रका लेड॥  
 अंग्रजे यीशु उजुः लेन  
 दिकू जति सेटर लेन  
 हो जति मिसन तन सनं जति रे॥  
 जति चोलोन बगे केते  
 किलि दुस्तुर बगे केते  
 एते: देरं जति बगेम बगे मिडेन तन?  
 बोंगा बुरु-बगे तएते  
 सिरजोन बुटा बगे तएते  
 जति दोरोम बगे तएते जतिम चटि तन॥  
 हसा मुरुतु सेबा जोअर  
 गिरजा ओआः बिनती जोअर  
 बोंगा बुरु जति होड़ोको विनती जोअरि तन॥  
 सुसुन अकाड़ा बगे तएते  
 दुरं रांसा बगे तएते  
 ओकोए एतो जोकोन कोरेम जोकोन जुड़िन तन॥  
 रोवा जिबोन अपिर बियुर  
 सेबा सड़ा बनोः जुड़ि  
 अदिड़ ओआः बगे रोवा ओकोन रे अपिर तन॥  
 मडकम रसि बलः बुलुः  
 मरचि बुलुड़ तमड-तुमड  
 एते: देरं पोटा रेको नपम इनुड़ तन  
 नु नोगोड नु केटे  
 शिति: इनुड़ जु जेटे  
 एरं गोन्दे पोटोर पोटोर जतिम उमि तन॥  
 नु बुलोः टोटा इनुड़  
 एटः जति नेल् इनुड़  
 जति मान जोका जकड केयल बनोः जन ?

होन बुङ्डि को रेगे: गेरं  
 दिन संगि को जरब गेरं  
 हरकि रसि नु सिबिल जातिम रेंगे तन॥  
 हटो बटो बुलोः नेलोः  
 ओअः रेयो अमगे नेलोः  
 निदे सिंगि बुलाः नेलोः होमोहो रोपोः ए तन॥

(ग)

जगर कजिम गियुः न तन  
 एटः कजिम एतोन तन  
 एंगा एतो कजि जगर कजिम गियुः न तन॥  
 दिकु कजि जगर एतो  
 गउ कजि बंकाड़ा एतो  
 जति एतो कजि जगर कजिम गियुः न तन॥  
 लिपि लिपि लिपिन तन  
 दरू रेगे लिपिन तन  
 होयो रे लिपि बगे तएते दरू रे लिपिन तन॥  
 उरूम जोम में चिनब जोम मे  
 लिपि देरं लिपिन तन  
 किलि-जति बगे तएते दरू रे लिपिन तन॥  
 जति तबेन चबा तन  
 मान तबेन चबा तन  
 एटः कजि लिपि एतो जति चबा तन॥

(घ)

दिसुम रेयो दिकु नला  
 पोरदेस रेयो दिकु नला  
 दिकु सनं दनं इनुं सनं लेका गे॥  
 दिसुम रेयो पोरदेस रेया  
 मिडेन तनम एटः कोलोः  
 सएड लिटिन जाकोन रेगेम जोकोन अडेन तन॥  
 दः चिन्डे बा गितिल

अरे चन्दुः उदुब-तुखब  
 सएड लिटिब उरुम बनोः जतिम उमि तन॥  
 लंबि तनम चोपोरा तनम  
 जतिम गतिम उमि तनम  
 जति मान चवा तन केयल बनोः जन॥  
 सेनोः तनम उजुः तनम  
 एटः जतिम कोडादिन तनम  
 एतोः देरं जति मान बुहांल चबए तन॥  
 हगम मिसिम असारा तन  
 पुंजि-पोवा संगि तम  
 जति मान बनचाओ लेम पुंजि संगि लेम॥

(ङ)

सेपेड जनम हापानुम जनम  
 केया कपेया आँदिन तनम  
 एंगा अपु तना एतो चन्टेम उमि तन॥  
 जोनोम लेडमे सिटिया लेडमे  
 हरा लेडमे मरं लेडमे  
 एरा केया तना एतो जतिम उमि तन॥  
 बउ ददा एपेरं गोन्दे  
 एंगा अपु चेन्टा गोन्दे  
 ओतो हसा अटिड् मुचुड जतिम उमि तन॥  
 दिन दिनेम रेगेः तन  
 दिन चन्दुः -उम कंगाडा तन  
 चेन्टा-चेपेन्टा लमिड तेगे जतिम कंगाडा तन॥  
 एंगा अपु गे जोनोम बुटा  
 बउ ददा गे हगा बुटा  
 एंगा अपु मान गे जति मान दो।  
 एंगा अपु मान लिमे  
 बउ ददा जोअर लिमे  
 बला-बुन्दु मान जोअर जति नुतुम लेमे॥

हतु दिसुम हो को मरं  
मान जोअर जति मरं  
जति मान बुहांल तन तेला रुआ लेम॥

(च)

सेपेड हम्पानुम सनं पेरेम  
सुसुन अकाड़ा केया केपेया  
हटो-बटो सनं रेयो केया केपेया तन॥  
बले: होमोहो पकोड़ो बनो:  
पति नला एतो बनो:  
मिसे नेपेल पेरेम तेगे केया केपेया तन॥  
एंगा अपु सुकु बनो:  
बउ ददा सनं बनो:  
अदा चिरगल बनो: तेगे केया केपेया तन॥  
गोनोड सति बनो: जन  
सिम मेरेम बंग: इजन  
एते: देरं किमिन एरा ओअ: तेब: लेन॥  
रोका तोका कुपुल तेब:  
गोनोड सति असि तेब:  
एते: देरं बला-बुन्दु को एपेरं गोपोन्दे तन॥  
किमिन एरा केया रुआ  
गोनाड सति: बनो: रुआ  
एते: देरं बला-बुन्दु को कुसुर रुआ तन॥  
पेरेम तोपोल सिड जन  
बले: मोन नुब: जन  
एते: देरं बले: बले: रेम उमि नुतुम जन॥  
केपेया बपागे चिमिन उमि  
जति जतिम नुतुम उमि  
एते: देरं जति मान दिसुम उमि जन॥

(छ)

पउंडि बिडदा एतो देरं

जिबकि बिडा पकोड़े देरं  
 एते: देरं पउंडि जिबकि जितिकेर एतो तन॥  
 नेगड़ा-पताड़ा सुसुन देरं  
 रचा जोनोः एर देरं  
 एते: देरं बइ सुबा रेम सुसुन एतो तन॥  
 अइया बुनुमम दोड़ोः कैन  
 हइया जएराम जोकोन कैन  
 एते: देरं तला निदिम होनोर जोअर तन॥  
 डाइन बिदडा मरु देरं  
 जुगुनि बिदडा जितिकेर देरं  
 एते: देरं मनोआ होन्कोम दुकु हसु तन॥  
 मनोआ होन्को हसु देरं  
 लोचोमि होन्को दुकु देरं  
 एते: देरं अपु नुतुम को डाइन उमि तन॥  
 मपः तुपुज हो को देरं  
 मयोन लिंगि हगम देरं  
 एते: देरं जतिम हगा को मपः तुपुज तन॥  
 ओकोना सरि ओकोना चकड  
 डाइन बिडा बनोःअ देरं  
 एते: देरं नुबः रेको मपः तुपुज तन॥  
 हगा-हगम मपः तुपुज  
 जति-जतिम कुसुर-पुसुर  
 एते: देरं हगा जतिम उमि नुतुम तन॥  
 जति तबेन निरल तरल  
 हेन्दे मुरुकु उडुः तबेन  
 एते देरं डाइन उमि जति उमिम तन॥  
 जति मानं बुहांल तन  
 डाइन गड़ा रे हतु तन  
 एते: देरं जति मान बुहांल-हतुन तन॥

निरल जिवोन ते उडुः तेगे  
मरसल मोन त केयल लेमे।  
जति मान बुहांल तन तेला रुआ लेम॥

(ज)

जति दो जति चबा तन  
दोरोम दो दोरोम हतु तन  
दिकु यीयु गडा कोरे मिडेन चबन रे॥  
असाड़ा गमा दः कोरे  
चेल चोपोल दोरेया कोरे  
जति-मान बुहांल चबा गडा इकिर रे॥  
उरुम चिम्पनब बनोः तेगे  
गेयन मेमेड बनोः तेगे  
जति-मान चबा तन चिकम अदाए तन॥  
बुरू बोंगा को कुसुड़-कुसुड  
दः एरा को पिरिल-पिरिल  
हो जति जति मान चिकाते चबा तन?  
लुकु अपु जगर तन  
लुकुभि एंगा बकंड तन  
जति मान उरुम चिनब बनचओ जोम मे॥  
दिन चडुः रका लेम  
जुउगु जोरोड़ जोतोन लेम  
हो जति जति मान जोतोन रका लेम॥  
जति गे तम मयोम उरुम  
मान गे तम दरु उरुम  
होरो रका जति मान जति दिसुम रे॥  
कोड़ाः बाबु जगर नेया  
जति मान भनोआ जति  
जति मान जोतोन होरो मेमेड सप लेम॥

# परिचय



जन्म नाम	करम सिंह कोड़ाह
स्कूल नाम	कमल लोचन कोड़ाह
मान नाम	लिटा
जन्म स्थान	गाँव-पुराना गोइलकेरा, जिला-प. सिंहभूम (झारखण्ड)
जन्म	1956 ई. के आस-पास
पिता	स्व. सेलाये कोड़ाह
माता	स्व. गासो कोड़ाह
पत्नी	गंगी कोड़ाह
शिक्षा	मैट्रिक - गोइलकेरा हाई स्कूल, गोइलकेरा, आई. ए. - जवाहर लाल नेहरू कॉलेज, चक्रधरपुर, बी. ए.-टाटा कॉलेज, चाईबासा, एम. ए.- जनजातीय एवं क्षेत्रीय भाषा विभाग, राँची विश्वविद्यालय राँची।
सेवा	पूर्व अवर सचिव, कार्मिक प्रशासनिक सुधार तथा राजभाषा विभाग, झारखण्ड सरकार।

**प्रमुख प्रकाशित कृतियाँ :** कविता संग्रह- जोअर, इटा बटा नला बसा

**अप्रकाशित कृतियाँ :** सरजोम वा तरल (लेख), सरजोम वा डुम्बः (कविता), पेरेम सनड़ (कविता), बले बुरु ओन्डोः सिङ राजा (लेख), लड़का कोलः एक परिचय, मानकी मुण्डा प्रशासन (लेख), मागे ओन्डोः मागे पोरोब, हो लोक गीत : एक संग्रह।

## पुरस्कार -

- राजभाषा विभाग, विहार सरकार द्वारा “विरसा भगवान ग्रन्थ, प्रकाशन अनुदान” 1988-89 पुरस्कार से सम्मानित।
- कला संस्कृति खेलकूद विभाग, झारखण्ड, द्वारा - हो भाषा साहित्य क्षेत्र में उत्कृष्ट योगदान के लिये 2008 में सम्मानित।
- विश्व आदिवासी दिवस पर पद्मश्री डॉ. रामदयाल मुण्डा स्मृति सम्मान - 2012 से सम्मानित।
- हो हयम सनागोम जुमर, राँची द्वारा - हो भाषा साहित्य के क्षेत्र में उत्कृष्ट योगदान के लिये - ओत् गुरु कोल लको बोदरा स्मृति सम्मान 2012 से सम्मानित।
- झारखण्डी भाषा साहित्य संस्कृति अखड़ा, राँची द्वारा हो-भाषा साहित्य के क्षेत्र में उल्लेखनीय एवं अनुकरणीय योगदान हेतु ‘अखड़ा सम्मान-2013’ से अलंकृत।

---

## PUBLISHER :-

---

# Jharkhand Jharokha

Shop No. D.G. 03, New building, New Market  
Ratu Road, Ranchi (Jharkhand), Pin-834001  
Mob. - 09973112040, 09471160792  
E-mail : jharkhandjharkha@yahoo.com

ISBN : 978-93-81720-68-4

मूल्य : 100.00 रु. मात्र



978-93-81720-68-4